

小樽高等商業學校  
 圖書部  
 總  
 二五七六號  
 一〇六冊  
 四〇號  
 九門三部

8 9 40 1 2 3 4 5 6 7 8 9 50 1 2 3 4 5 6 7 8 9 60 1 2 3 4 5 6 7 8 9 70 1 2 3 4 5 6 7

日本源流考卷十五

臣王先謙撰集

和漢年契稱光天皇諱躬仁後小松之長子日本國志母光範門

院藤原氏

癸一應永二十年

甲二應永二十一年和漢年契行即位禮

乙三應永二十二年日本外史入足利氏中十九年帝讓位於皇

未三應永二十二年日本外史入足利氏中十九年帝讓位於皇

後如約足利氏議立南朝皇胤者非我家之志也終不聽其請於

是諸國兵起二十年伊達氏懸田氏起於陸奧持氏令畠山國詮

攻之二十一年北山氏關氏起於伊勢義持令土岐賴益攻之明

山皆平日本外史五楠氏關氏起於伊勢義持令土岐賴益攻之明  
山皇子當立足利氏乃立後小松皇子是為稱光帝楠氏及北畠  
氏並訴之欲如約足利氏弗聽則並起兵足利氏約帝後當傳於  
南朝皇子  
乃止兵  
丙四應永二十三年和漢年契上杉氏憲作亂

江南經略永樂十四年正月十二日倭寇突犯崇明縣治城陷入之殺擄官民三百餘人事聞發鎮江鎮海二衛百戶十員率軍一千餘名禦擊之寇平遂隸崇明守禦所守城其舊戍官軍發入水寨自是賊無入境者

靖海衛楊村島都督同知蔡福等合山東都司兵擊敗之

西五應永二十四年

明史日本傳十五年倭寇松門金鄉平陽有捕倭寇數十人至京者廷臣請正法帝曰威之以刑不若懷之以德宜還之乃命刑部

員外郎呂淵等齎敕責讓令悔罪自新中華人被掠者亦令送還明年四月其王遣使隨淵等來貢謂海寇旁午故貢使不能上達其無賴鼠竊者實非臣所知願貸罪容其朝貢帝以其詞順許之

禮使者如故然海寇猶不絕

籌海圖編永樂十五年倭寇沙園所邊將執其酋首送京師詔待以不死遣刑部員外郎呂淵等使日本璽書責以敬天事大之義

論還所掠海上人次年淵還其國王亦遣刺史奉表稱謝又是年寇浙江松門金鄉平陽諸處

戊十應永二十五年和漢年契義持殺義嗣日本外史八足利氏中當此之時關東兵力倍於京師而天子廢立公卿易置則京師專之威權無比世俗呼曰公方初義滿定幕府官政武衛細川島山氏更爲管領謂之三管山名一色京極赤松氏更爲侍所別當謂之四職武衛領謂之波氏京極即佐木氏也武田小笠原氏更司弓馬禮式吉良今川濳川氏更爲武者頭伊勢氏爲奏者謂之七頭關東亦擬之稱曰公方故上杉憲房之後世居鎌倉山內憲房兄仲憲其後世居扇谷稱兩上杉更爲管領而故氏滿弟滿直管陸奧出羽號曰三管千葉小山長沼結城佐竹小田那須宇都宮八族曰入館當持氏之時上杉氏憲執事持氏與之有隙氏憲辭職以上杉憲基代之憲基憲定子憲房玄孫也氏憲重顯玄孫也持氏叔父曰滿隆頗有聲望養姪滿仲爲子氏憲說滿隆曰公方耽溺酒色不可統帥而憲基爲政又有偏私匡邪靖難非君而誰君若舉事臣請

考十五稱光

輔之乃矯義持教令密招將士將士競附二十三年十二月氏憲  
將兵奉滿隆滿仲以圍持氏持氏大驚遽騎馬而走入憲基佐介  
第憲基令族氏定拒之眾寡不敵持氏夜出西走從士多為追兵  
所殺至藤澤道場氏定自刃憲基奔越後諸敗軍聞持氏在伊豆  
國清寺皆來集焉符野介某黨於氏憲來攻破之持氏走駿河依  
今川範忠告急於京師京師方流言大納言義嗣以不得立竊懷  
觖望與氏憲通謀欲伐義持義持迫義嗣使削髮幽之於相國寺  
下教關東將士令救持氏憲基起兵越後江戶氏豐島氏二階堂  
氏並起兵武藏以討氏憲氏憲遣兵攻之敗歸氏憲壻岩松持國  
起兵上野以應氏憲二十四年正月氏憲與持國夾攻武藏勝而  
平之既而持國驕恣將士離心氏憲終敗歸而附持氏者日眾持  
氏乃以今川氏大森氏葛山氏兵攻鎌倉復之滿隆滿仲氏憲及  
氏憲宰長尾氏春等皆自殺於雪下僧舍持國聚眾日本國志明  
兵與持氏將舞木宮內戰兵敗被擒明年義嗣暴卒日本國志明  
遣刑部員外郎呂阿等齎敕詰海寇並責令送還所掠中國人義  
持遣僧等持告絕好明使至太宰府而歸

江南經略永樂十六年二月倭寇入金山衛指揮同知侯端擊破  
之端素剛勇初抵任以金山東南要害修城濠備器械練士卒為  
戰守備至是倭寇登岸端與指揮卻關字分兵出戰卻出南門全

軍皆覆賊由南門入城斷各門橋端孤軍在東門不得入乃引兵  
至西門橋亦斷仰天歎曰城亡吾分當死安可偷生遂策馬一躍  
過河入西門眾不能繼與賊巷戰數十合身被箭如蝟轉戰至衛  
門賊驚曰好將軍也乃以所掠染家布橫於街欲生致之端馳至  
以一劍挑布一劍截而斷之賊仆地而笑端由是得馳出東門次  
楊家橋鳴鼓招散卒得百人令曰今潮退舟膠人持草一束與礮  
俱進至海灘焚賊舟十餘艘賊不得歸遂大敗

己未應永二十六年和漢年契行釋奠日本國志二十六年明使  
余某復來先是有載馬匹疏黃稱入貢者實日向土豪私船也成  
祖以無表不受至是使其徒十六人還義持令人持漢文阻之略  
曰修好通商靖邊利民非不甚願然我朝凡百聽神神所不許雖  
細故不敢舉行先君自承麻服雨暘不和尋罹疾疚易簣之際遺

命誓神宜絕通信嚮既再申此意使今猶至殆未之通耶若夫流賊暴掠海島實通逃兇徒所爲國家不與知聽上國力勦鋤之而已終義持之世絕不相通

明史日本傳十七年倭船入王家山島都督劉榮率精兵疾馳入望海塢賊數千人分乘二十舟直抵馬雄島進圍望海塢榮發伏出戰奇兵斷其歸路賊奔櫻桃園榮合兵攻之斬首七百四十二生禽八百五十七召榮至京封廣寧伯自是倭不敢窺遼東

籌海圖編永樂己亥中軍都督府左都督劉江總兵鎮遼東南至卽相地形勢請於金線島西北之望海塢築城堡立烽堠一日瞭者言東南海中王家島夜有火光寇將至江亟遣馬步軍校赴海上小堡備之翌日倭賊二千餘人以數十海艦泊馬雄島魚貫而上直逼塢下一賊貌甚醜惡指揮諸賊如入無人之境江得報但

令犒師秣馬略不爲意徐令都指揮徐剛伏兵山下百戶姜隆率壯士潛燒賊船截其歸路約曰旗舉伏起礮鳴奮擊不用命者戮既而賊至江披髮舉旗鳴礮伏兵盡起爲兩翼而進賊遂大敗奔匿櫻桃園空堡中我師追逼環而攻之且請入堡勦殺江不許故開西堡縱之仍分兩翼夾擊生擒數百人斬首千餘級聞有潛脫而逃艦者復爲隆所縛無一人得免者諸將請曰公見敵意氣安閒惟飽士馬及臨陣披髮而戰追賊入堡不殺而縱走之何也江曰窮寇遠來必饑且勞以逸待勞以飽待饑法也賊始魚貫成長蛇陣故作真武狀以鎮服之雖愚士卒之耳目亦可借以壯其氣賊既入堡有死而已我師臨之彼必死鬪我兵寧無傷乎故縱之生路而後掩擊之卽圍師必缺之意耳事聞徵至京師面慰勞之封廣寧伯食祿一千二百戶子孫世襲



庚子八 應永二十七年和漢年契明遣使來

辛十 應永二十八年

籌海圖編永樂十九年正月辛巳副總兵李珪敗倭於潮州靖海

海濱珪光以昌化之陷戴罪殺賊大敗賊於靖海生擒十五人斬

首五級悉送京師

壬十二 應永二十九年

籌海圖編永樂二十年倭寇浙東朱亮祖徐忠擊敗之堯祖破之

於温州忠破之於桃渚斬獲獻俘由是賊始知戢斂

癸二十 應永三十年四裔編年表足利義量為將軍

辰二十 應永三十一年和漢年契南帝後龜山崩日本外史八足利氏中二十九

年佐竹某叛持氏持氏與戰於比企谷斬之小栗滿重宇都宮持

綱又叛據結城持氏令上杉氏小山氏擊之明年持氏自將攻結

城拔之斬滿重持綱京師援軍至駿河聞事平而歸持氏凱旋至

武藏府間義持庇故氏憲孤子某也怨之有畔心欲移兵西上三

堂往來辨說請義持氏約為父子至九月和成持氏乃歸鎌倉

義持性媮惰時會京畿無事以游宴為事使三管四職更治

具招請先是一歲讓軍職於長子義量而自削髮稱道詮

籌海圖編永樂二十二年寇象山縣丞宋真教諭蔡海死之真持

竿擊賊海罵賊不屈皆被害

乙仁宗洪 應永三十二年和漢年契義量薨義持再視事

巳熙元 應永三十三年

丙宣宗宣 應永三十三年

午德元 應永三十三年

籌海圖編宣宗宣德元年入貢人船踰數刀劍過多特諭來使今

後貢船不過三隻使人毋過三百刀劍勿過三十不許違禁

丁二 應永三十四年和漢年契赤松滿祐反討平之日本外史八

十二年義量卒義持再聽政寵赤松持貞持貞貞範孫也初貞範

弟則祐以功領播磨備前美作以傳於子義則三十四年義則卒

四子則友滿祐祐之義雅則友天滿祐為嗣襲領三州義持欲削

其所領子之持貞滿祐怒自焚其第奔歸播磨義持遣細川持元

山名滿照往擊之諸將多與滿祐連姻不欲往十月連署

訴持貞亡狀義持不得已令持貞自裁而赦滿祐歸京師

申三 正長元年四裔編年表改元和漢年契秋七月帝崩年二十  
七在位十六年義持卒日本外史八足利氏中義持疾作正長元  
年正月薨至內大臣右近衛大將從一位  
初義持有六弟懲義嗣之禍皆以為僧及義持疾篤無嗣子幕議  
或欲擇其一入為嗣或屬意於持氏持氏亦冀立管領畠山滿家  
建議不若質之神也自赴石清水祠闡之得義圓義圓者義持第  
三弟為清蓮院僧正於是蓄髮及義持薨入室町為喪主三月敕  
爵以其髮猶短裏頭以見諸將更名義宣後更義教七月稱光帝  
崩義教迎崇光帝曾孫於伏見立之初崇光南遷後光嚴以太弟  
即位崇光還居伏見欲立其子榮仁屬之於細川賴之賴之不奉  
詔立後圖融以至於帝伏見氏曰微土皇欄之下宣以榮仁子貞  
成為無品親王中外皆稱有如宮車晏駕親王必立也帝聞之弗  
擇貞成削髮以示意焉貞成子曰彥仁及帝有疾土皇與義教決  
議令管領滿家迎彥仁立之是為後花園  
帝後龜山皇子冀立而不得怒奔伊勢

### 後花園天皇

日本國志後花園天皇諱彥仁後伏見五世孫北朝崇光曾孫父

貞成親王母敷政門院源氏年十歲即位

己四 永享元年和漢年契改元四裔編年表義教任將軍日本外  
史八足利氏中義教任將軍

破之以皇子歸宣之嗟嗟令畠山持國攻越智氏於高鳥城未能  
下是歲改元永享朝議謂正長之號於王室將家皆為凶也而持  
氏愠不得為將軍猶私用正長曰吾何屈於還俗將軍乎義教亦  
自知天下多不服己者銳意為政待諸將不假辭色軍國之事多  
所釐革日本外史五楠氏附北畠氏及稱光崩無嗣足利氏復索  
北朝皇族立之後龜山天皇之子曰小倉者自京師走  
伊勢依北畠氏起兵戰敗講和歸京師削髮入萬壽寺

庚五 永享二年和漢年契持基為攝政義教敘從一位四裔編年

表徙筑紫豪族於都城行大嘗會禮

辛亥 永享三年和漢年契義教詣伊勢高野

壬七 永享四年和漢年契冬十二月足利義教聘於明四裔編年

表游駿河獵於不二山日本外史八足利氏中二年徙鎮西豪傑  
以充京師又欲圖東南三年游伊勢及紀  
伊四年游駿河館今川範政宣言觀岳是時越智氏  
猶據高鳥城城固不拔者數歲義教益遣兵攻之日本國志永  
享四年明宣宗皇帝念日本久不貢命中官柴山往琉球令其王  
轉諭日本賜之敕將軍源義教遣僧道淵上表乃有貢茅不入固

緣敝邑多虞行李往來願復治朝舊典語

明史日本傳宣德七年正月帝念四方蕃國皆來朝獨日本久不貢命中官柴山往琉球令其王轉諭日本賜之敕明年夏王源義教遣使來帝報之賚白金綵幣秋復至

籌海圖編宣德七年來貢如約束受之使者不知禮法甚擾於民禁之

案七年帝遣使八年倭使來明外史與正史合非七年也此七誤當作八

明會典宣德間使臣至通州湯飯令行在光祿寺辦送至濟寧州浙江布政司并寧波府茶飯管待

癸丑 永享五年和漢年契持基為關白明遣使來四裔編年表義教遣使於明日本國志明年宣宗復遣內官雷春裴寬鴻臚少卿

本國王白金二百兩妝花絨錦四匹四季寶相花藍一匹細花絨  
一匹細花紅二匹絨金胸背白釋綠一匹晴花骨朵雲青一匹細花  
綠四匹晴細花絨一匹晴金胸背白釋綠一匹晴花骨朵雲青一匹  
三匹羅二匹晴細花絨一匹晴金胸背白釋綠一匹晴花骨朵雲青一  
金胸背虎豹絨一匹晴金胸背白釋綠一匹晴花骨朵雲青一匹  
綠一匹素茶褐一匹晴金胸背白釋綠一匹晴花骨朵雲青一匹  
獅子紅一匹素茶褐一匹晴金胸背白釋綠一匹晴花骨朵雲青一匹  
胸背虎豹絨一匹晴金胸背白釋綠一匹晴花骨朵雲青一匹  
骨朵雲藍二匹晴花骨朵雲青一匹晴金胸背白釋綠一匹晴花  
青一匹彩絹二匹晴花骨朵雲青一匹晴金胸背白釋綠一匹晴花  
花絨錦二匹細花紅一匹細花紅一匹四季寶相花藍一匹王妃白  
背犀牛紅一匹細花紅一匹細花紅一匹四季寶相花藍一匹王妃白  
晴細花紅一匹細花紅一匹細花紅一匹四季寶相花藍一匹王妃白  
匹素藍一匹羅八匹晴細花青一匹晴細花綠一匹素青一匹  
匹素藍一匹羅八匹晴細花青一匹晴細花綠一匹素青一匹  
子素藍一匹羅八匹晴細花青一匹晴細花綠一匹素青一匹  
雲青一匹素紅二匹素青一匹素青一匹素青一匹素青一匹  
日本國王并王妃彩紅漆妝戲金轎一乘大紅心青邊織金花  
紵絲坐褥一箇脚踏褥二箇大紅心青邊織金花  
絲褥二箇脚踏褥二箇大紅心青邊織金花



金交牀二把大紅羅銷金梧桐葉織二把渾織金紵絲十四渾織  
金羅十匹渾織金紗十四綵絹三百匹銀盃等器二十件各色絲  
綵繡圈金各樣花鏡袋十箇硃紅漆餞金寶相花摺疊面盆架二  
座鍍金事件全古銅點金斑花瓶二對古銅點金斑香鑪二箇象  
牙雕荔枝烏木桿癢合子二箇香兒一百箇硃紅漆餞金梳二十  
箇囊全黑漆餞金梳二十箇囊全鮫鏡籠四對雲頭桃竿全龍香  
黑二十笏青廣信紙五百張兔毫筆三百枝各樣箋紙一百枚蛇  
皮五十張猿皮一百張虎皮五十張熊皮三十張豹皮三十張苓  
香十箱每箱五十斤鸚哥三  
十箇宣德八年六月十一日

籌海圖編宣德八年日本國王源義教卒上命太監雷春少卿潘  
賜等出使垂弔以盡懷柔之意

案義教死在正統六年此誤文

甲九 永享六年和漢年契後小松崩年五十七日本國志六年道  
淵引錫等至駒騎至千二百餘匹八月雷春等還義教又遣僧中  
誓隨行上表表有爭覩使星光彩則知官儀中興秋水長天極目  
離迷上下春風和氣同仁豈阻東西等語

卯 永享七年

明史日本傳十年十月以英宗嗣位遣使來貢

籌海圖編宣德十年遣使貢方物並奉表謝恩以八年遣使弔喪  
也

明會典宣德十年回賜國王紵絲二十表裏紗羅各八匹錦二段  
銀二百兩妃銀一百兩

丙英宗正 永享八年日本國志中誓齋敕及賜物還是歲又遣使  
辰統元 永享八年日本國志中誓齋敕及賜物還是歲又遣使

明史日本傳正統元年二月使者還賚王及妃銀幣四月工部言  
宣德間日本諸國皆給信符勘合今改元伊始例當更給從之

丁二 永享九年和漢年契行幸義教第明遣使來

戊三 永享十年和漢年契新續古今集成鎌倉持氏作亂

己四 永享十一年和漢年契春二月彗星出討持氏平之以上杉

清方上杉持常任東國管領日本外史入足利氏中義教學武技從小笠原政康受射八年政康與村  
實賴清關於信濃賴清輒敗乞援於鎌倉持氏欲援之憲基子憲  
實為執事諫曰彼非我管國也何關我事哉且我援賴清則將軍  
必援政康是以兄弟之邦開天下之爭也持氏憚憲實權力勉從  
之直上杉憲直一色直兼有寵於持氏因問憲實明年四月持氏令  
於山內持氏懼釋自往山內面諭憲實歸罪於憲直逐之憲直逃入  
藤澤寺事憲實又爭曰冠於室町受將軍偏諱禮也自先公至公  
義家故事憲實又爭曰冠於室町受將軍偏諱禮也自先公至公  
三世以爲恆焉今君乃變之不可持氏曰還俗將軍何足以冠吾  
子哉冠吾子者非今君則伏見龜山二王而已遂冠祠前命名義  
久諸將皆人賀之獨憲實稱病不入賀持氏怒欲發兵攻憲實  
實乃奔上野據平井城明日持氏遣一色時永將兵往討憲實  
遂雷三浦時高輔義久守鎌倉而自將出陣武藏府憲實告急於  
義教義教奏請討持氏一行詔副以教書使故上杉氏憲二子持  
房教朝齋之以徇東北三道東海東山兵從持房自箱根進北陸  
兵從教朝直赴平井合於憲實而南下陣於分陪持氏分兵拒之  
九月持房與持氏兵戰於箱根不利又戰於早川尻破之進逼鎌  
倉十月三浦時高叛持氏攻義久義久與叔祖父滿貞走匿扇谷  
梁田某名冢某力戰死之其將士皆率歸憲實持氏窮蹙十一  
月持氏遂削髮乞降憲實使其長尾芳傳從持氏於永安寺置兵監  
守追憲直直兼使自殺殺其從士自與關東將士連署請義教  
皆死持氏少子二人曰春王安王皆髻亂爲乳母長尾氏所挈遁  
走日光山義教遣使鎌倉勞諸將以憲實管領東國憲實恐負殺  
君之名也自往永安寺伏謝於持氏影前抽刀將自殺爲從者所  
止不果乃削髮退居國清寺使弟清方  
與教朝同行管領事四索持氏餘黨

明史日本傳四年五月倭船四十艘連破台州桃渚寧波大嵩二  
千戶所又陷昌國衛大肆殺掠  
籌海圖編正統四年賊舟四十餘艘夜入大嵩港襲破所城轉寇  
昌國衛城亦陷備倭等官以失機被刑者三十六人惟爵谿所以  
獲賊首畢善慶得免

庚五 永享十二年和漢年契春二月結城滿朝奉持氏之子春王  
安王作亂日本外史入足利氏中十二年正月春王安王潛遣使

謂其將士曰吾被佐公恩眷而不能救其死今兩郎君託我以大  
事是武人之榮也吾其可不出力生死以之乃令其子光久迎致  
二孤因大聚宗族修結城古河二城分兵守之持氏遺臣一色野  
田大井吉見諸族並起應之京師義教授旗於持房赴鎌倉

再發東國兵以助清方七月清方將諸軍圍結城氏朝力拒數破  
上杉氏軍義教益發兵又起憲實視師憲實辭不聽憲實乃率東  
北三道兵攻氏朝氏朝勉勵士卒嬰城固守憲實等不能拔也當  
是時越智氏城已陷而北島氏復起兵義教使人就講和焉曰吾  
定關東然後剪滅之義教季弟為僧曰義昭後龜山皇子在嵯峨  
大覺寺者義昭與之親善於是義昭說皇子曰東西兵亂皇子欲  
復舊業是時為可北島氏雖既和聞皇子起必復起兵土岐一色  
等皆怨將軍其來附必矣又密使人約菊池大村諸族起兵遙為  
聲援菊池答曰結城不下二歲者天下必搖動可以乘而起也義  
昭乃閉門蓄髮義教怪其久不出廉問知實乃遣兵且捕之義昭  
逃亡不知所之乃圖其

西六 嘉吉元年四裔編年表改元和漢年契夏四月義教遣兵陷  
結城滿朝死之虜春王安王六月赤松滿祐弑義教秋八月義勝

遣兵伐滿祐於播州九月京兵拔白幡城滿祐伏誅冬十二月太  
宰嘉賴反擊敗之日本外史入足利氏中嘉吉元年三月義教詣  
伊勢神祠疑北島氏匿義昭親調察之也四月

結城古河皆陷氏朝父子戰死城兵悉死之以脫二孤二孤逃走  
為上杉氏兵所獲獨持氏季子永壽王走信濃氏朝季子成朝走  
常陸上杉氏兵檻二孤而西五月薩摩人亦獲義昭首而東先至

京師首懷敵不可辨義教召義昭新羅道新羅道觀之童子曰果曾  
之垂冰護將長尾某乃入道傍佛寺進浴二孤二孤亦知其意正  
坐受刃春王年十三安王年十一首至京師義昭召其乳母問持  
氏子猶在乎乳母不答嚙舌而死初尊氏與直義謀曰義詮不武  
難以寄重任宜令基氏領關東以鎮護之乃立基氏輔義詮曰子  
子孫孫相輔勿相背也然義滿義持皆有滅鎌倉之志至義教乃  
能成之云基氏之家既敗而義詮之家亦自是亂矣義教為人猜  
暴以盛氣馭下既滅關東意益驕自謂為祖父所不能為天下無  
復足畏者先是義教襲職三歲侍女三人有罪賜死赤松滿祐女  
與焉或曰滿祐怨望有異心義教聞而囚之滿祐逃奔播磨遣兵  
攻之滿祐力窮削髮出降宥之其七歲遣一色義貫土岐持賴越  
越智氏義教命武田信榮就軍中誅義貫夷其族又疑持賴命細  
智氏常殺之諸將士人人自危而滿祐最疑懼滿祐之與持賴爭  
也及持貞死遂并其邑持貞兄子貞村幼喪父邑除義教見其美  
姿容收為近侍甚寵之曰家兄庇其庶吾則庇其嫡自有別也因  
疏斥滿祐滿祐形貌矮陋義教戲呼之曰三尺入道滿祐嘗侍宴  
醉舞謠曰軀短勿侮三國之主義教愈憎之義教畜猴每滿祐入  
輒使人放猴爬其面滿祐拔刀斬之心深怨義教而不形顏色時  
幕府多怪有狐夜鳴屋上宿直者或闕空室中見有偶人數十為  
鵝飼鵝飼者散樂曲名也忽而不見義教略不加意貞村已壯寵  
之不衰遂欲割滿祐邑予之將就其第諭意從容謂滿祐曰壯寵  
園之鳧乳矣可一觀否滿祐伴喜請期期六月二十四日滿祐從  
子曰教祐為幕府近臣微聞削邑之議以告滿祐滿祐大恚於是

考十五後花園

召長子教康家臣渥美等議曰吾宗積功於將家將家遇我亡狀  
非一我伏受其制何所底止乎吾欲先發行大事汝等為我努力  
教康等贊之乃伏甲三百於第中而請義教義教即往置隨兵於  
門外獨與朝貴諸將入置酒高會觀散樂樂至鵝飼時已薄暮第  
中有呼曰廢馬逸矣因急關門而甲發義教將起教康教祐  
耦進執其左右手伏之曰今日之事公自取之渥美自屏後出揮  
刀斫其首一坐拔刀起者輒見殺相殺者又數十人斯波義廉  
大內持世被創越垣而逃隨兵皆潰滿祐既弑義教欲待府兵來  
討戰死而諸將悉聚幕府惶惑不知所出旦日滿祐乃以三百  
騎出京師至攝津中島邑葬義教首於崇禪寺而西歸播磨據白  
旗城自是幕府以鵝飼為凶不列樂府也義教官至左大臣右近  
衛大將從一位薨年四十八七月持世創卒八月島山持國滿  
家子也與管領細川持之等議立義教子義勝為嗣甫八歲天子  
詔義勝討滿祐乃遣細川持常赤松貞村武田信貫自播磨山名  
持豐山名教之山名教清自美作兵凡五萬人滿祐聞貞村來大  
喜曰豎子來吾所願也乃遣兵逆擊於蟹坂大敗之持常與滿祐  
有姻自以一軍居前故逗撓不進九月持豐進至法華山山太險  
滿祐兵扼守其隘懸巨材而疾持豐患之夜使土兵數千人持一  
炬上其傍山滿祐謂我冒險而入也走而拒之守隘之兵減持  
豐則收牛數百頭縛藁為人跨牛背驅赴敵軍精兵數百鼓譟從  
之曉自隘口進滿祐兵以藁人為敵悉發其懸材牛死而兵入滿  
祐兵驚潰持豐進入播磨連陷諸砦先眾至白旗城城兵逃降略  
盡滿祐與渥美等皆自殺乃以三國分賜持豐等持豐時熙孫也  
邑於教世自明德應承二役山名大內氏皆微至是復興  
戊壬七 嘉吉二年和漢年契持國為管領日本國志將軍義勝遣使

於明

籌海圖編正統七年入貢時貢船九隻使人千餘分發境清天寧  
各寺安歇朝廷雖責其越例以遠人慕化亦寬容之八年六月使  
回迷失使頭普福二人在樂清沙嵩滕嶺坊長孔希名護解把總  
遣回普福在途悲感有詩云來遊上國看中原細嚼青松咽冷泉  
慈母在堂年八十孤兒為客路三千心懷北闕浮雲外身在西山  
反照邊處處朱門花柳巷不知何日是歸年

癸亥 嘉吉三年和漢年契朝鮮遣使來義勝薨日本外史入足利  
義勝幼喜騎馬卒墮馬死官止於四位左中將義勝母即小辨護  
殺一色義貫者世稱義貫為崇云島山持國為管領議立義勝同  
母弟義成甫八 四裔編年表南朝遣使奪神器日本外史五楠氏  
歲後改名義政 考十五後花園



年歲癸亥足利氏內亂楠二郎收南國兵得三百人奉萬壽寺金藏主者為主分兵為三隊二郎自將一隊夜入大內取三神器內侍鏡為東門衛士所奪寶劍遺於清水寺側獨擁神璽據叡山中堂足利氏管領畠山基國遣兵來攻二郎與越智皆戰死金藏主自殺二郎者不詳其所出也二郎殘兵以神璽奉後醍醐帝曾孫某保吉野

明史日本傳八年五月寇海寧先是洪熙時黃巖民周來保龍巖民鍾普福困於徭役叛入倭倭每來寇為之鄉導至是導倭犯樂

清先登岸偵伺俄倭去二人畱村中丐食被獲置極刑梟其首於海上倭性黠時載方物戎器出沒海濱得聞則張其戎器而肆侵掠不得則陳其方物而稱朝貢東南海濱患之

籌海圖編正統八年六月倭寇海寧乍浦諸處十月寇壯士所

甲九文安元年和漢年契南方兵起京兩大小豆四裔編年表南朝遣入據叡山

乙十文安元年和漢年契成氏為兼倉主勝元為管領四裔編年表

稱執事永壽初走信濃依母黨大井持光上杉氏不之知也憲實子龍既削髮又與攻結城心甚愧之及結城陷則以其子為僧攜而西奔以自晦匿猶有一子在伊豆是為龍稱自持氏亡關東不靖長尾昌賢建議欲立持氏盾子以慰藉眾心乃索獲永壽請之京師京師議許之賜永壽名成氏賜龍稱名憲忠既而結城成朝來自陸奧仕成氏成氏與之謀欲修怨於上杉氏寶德二年謀泄成氏走江島憲忠追戰於海濱將士和解之奉成氏歸鎌倉事纒得釋而京師比年多虞南國兵乘隙並起赤松教祐在朝鮮聞亂而還欲復其家發覺被誅初赤松氏亡畠山持國謂功臣之則重不當絕也欲令故滿則子則重奉祀曰滿則死明德之役而則重不與嘉吉之逆是宜立也赤松氏遺臣因擁則重起播磨山名持豐聞之曰吾樹功受封賊黨敢欲奪之乃將兵發但馬擊殺則重持國不平持國父子擁立三將軍官至從三位頗驕恣其朝政府或乘篋輿從騎士其下亦多犯法者藤原兼良藤原房嗣皆冀關白交賂於持國其威權如此而持豐與之抗衡持元伯父持之與畠山氏更為管領以故深結持豐以傾持國持國無子養姪政長為嫡嗣任尾張守已而生男義就為右衛門佐持國愛之欲廢政長其家長游佐某數擊南兵有功持國因命游佐輔義就游佐同僚神保某嫉游佐權勢欲立政長而排游佐乃教政長自託於持豐勝元寅一文安三年和漢年契秋九月盜入禁中竊神璽

考十五後花園



籌海圖編正統十一年倭寇海寧乍浦諸處

丁卯文安四年和漢年契兼良為關白南方平四裔編年表殺南

朝王子

戊辰三十三文安五年和漢年契天下大饑

己巳四寶德元年四裔編年表改元義政立

庚午景帝景泰元年寶德二年四裔編年表持通為關白

辛未二寶德三年和漢年契琉球遣使來我聘於明四裔編年表行

平均德政房平為關白盜焚持國第日本國志義政遣僧允澎芳

貞於明上表稱臣用正朔後為常

壬申三享德元年四裔編年表改元

癸酉四享德二年和漢年契持通為關白義政敘從一位四裔編年

表關東亂

可與日本傳身泰四年入貢至臨清掠居民貨有指揮往詰歐幾

死所司請執治帝恐失遠人心不許先是永樂初詔日本十年一

貢人止二百船止三艘不得攜軍器違者以寇論乃賜以二舟為

入貢用後悉不如制宣德初申定要約人毋過三百舟毋過三艘

而倭人貪利貢物外所攜私物增十倍例當給直禮官言宣德間

所貢硫黃蘇木刀扇漆器之屬估時直給錢鈔或折支布帛為數

無多然已大獲利今若依舊制當給錢二十一萬七千銀價如之

宜大減其直給銀三萬四千七百有奇從之使臣不悅請如舊制

詔增錢萬猶以為少求增賜物詔增布帛千五百終怏怏去

甲戌五享德三年和漢年契冬十二月足利成氏殺上杉憲忠憲忠

之臣長尾景春攻成氏成氏軍敗奔古河城勝元逐義就日本外

利氏中享德三年四月持國請義政立義就欲誅政長政長走史八足

於勝元家使神保等依持豐八月畠山氏將士率屬政長京師大

號十五後花園

騷幕府召諸將自衛獨持豐勝元不往其夜有人縱火於持國第  
持國奔入伯父滿則第義就奔依山名教之教之不內則入游佐  
家游佐家又火終奔河內持國遂匿建仁寺於是勝元攜政長入  
謁幕府白義政曰近日之事臣僕儀谷所為也九月誅儀谷以謝  
而政長竟得立焉遣兵擁持國而歸踰歲持國卒義政聞焚持國  
第者持豐所為也十一月召諸將命誅持豐勝元俄拔其眾赴東  
山舉族從之幕府兵寡勝元乃為請赦持豐日本國志享德三年  
持豐又謝獻誓書事輒釋乃罷持豐之國

使還先義政表曰書籍銅錢久仰上國永樂中例賜銅錢近無恩  
賚公府索然何由利民欽請周急景皇帝命給之使臣掘載而歸  
義政聞貢使至臨清有掠居民貨事遂囚之獄尋移書朝鮮王轉  
請謝罪旋又遣使貢馬於中朝

乙亥 康正元年四裔編年表改元和漢年契夏五月足利義政封  
赤松則尙赤松教祐於播州山名宗全殺教祐則尙政長與義就

和日本外史八足利氏中細川成之乘間請錄赤松氏之裔義政  
許之成之持常子也康正元年夏召赤松教祐弟則尙賜之播  
磨持豐怒逆擊則尙殺之因怒曰則尙之立勝元何不沮止之乃

師勢威益熾持豐長身赭面人呼曰赭入道

籌海圖編景泰六年倭寇健跳所

丙子 康正二年和漢年契後崇光崩年八十

丁丑 英宗天 長祿元年四裔編年表改元和漢年契正月兩日出

戊寅 長祿二年四裔編年表南朝人擁神器據吉野赤松氏護神

器和漢年契神璽入洛行賞於赤松日本外史八足利氏中時赤  
松氏遺臣所在伏匿憚持豐  
不敢有為有石見者焉仕內大臣藤原實量常思復赤松氏從容  
語實量以其志曰細川氏山名氏內有罅隙臣以為以此時附細  
川氏則志或成矣因出示尊氏與則村書實量視書歎曰其祖為  
將軍之父其孫為將軍之仇仇讎之責汝何以償石見曰今將軍  
立之歲南人犯關奪璽今在吉野臣請往收復之乃令舊僚中  
村某等往吉野伴任南朝皇子長祿元年中村終得殺南朝皇子  
取璽還獻義政議賞其功勝元贊之賜邑於赤松政則政則父性  
存義雅子也於滿祐為姪嘉吉之變猶幼依建仁寺僧龍澤而免  
後生政則甫五歲於是賜加賀之半持豐怒使刺客殺石見當  
是時三管領細川氏獨盛四職山名氏獨盛而伊勢氏權勢甲於  
七頭日本外史五楠氏附北畠氏歲戊寅赤松氏遺臣二人詐來  
仕弑皇曾孫從者追殺一人其一人遂奪璽而去先是後村上天下

皇子泰成生圓脣為圓滿院僧正蓄髮更名義有癸亥之難楠三  
郎之弟某奉義有起兵據八幡迎擊畠山氏大破之細川氏來  
攻楠氏不利退入紀伊據湯淺城歲丙寅畠山氏將游佐來攻楠  
氏又擊破之丁卯冬游佐復聚兵來攻城終陷義有遇害楠某死  
而亡後楠氏之事終於此母所復觀名和兒島土居得能氏蓋先  
楠氏十餘世至具教者乃北畠氏菊池氏數世至義宗者乃北  
日楠正儀亦降足利氏蓋有深謀焉史乘散佚不可考信要之  
成宗族與後醍醐皇統相為終始楠氏亡而後二百餘年權中納  
言源光國立石於湊川題曰鳴呼忠臣楠氏之墓○外史氏曰余  
數往來攝播開訪所謂櫻井驛者得之山崎路一小村耳過者或  
不省其為驛址蓋經足利織豐數氏世故變移道里驛程輒從改  
耳余於是低回不能去願望金剛山巔立雲際想見公舉義之秋  
及其子孫據以扞護王室也觀公詣行在對天子曰臣而未死賊  
不患不滅夫以一兵衛尉而居然以天下之重自任豈非感激知  
遇以身許國哉故能以赤手障江河天下之日於既墜何其壯也公  
聚北條氏精銳於一城之下而使新田足利之屬擣其空虛以殲  
其渠魁帝之復辟藉爵任職宜以公為首而纔能與結城名和輩  
比肩其失於舉措足以知中興之無成矣及其門地有不若焉爾然  
新田氏為重公特充偏裨供其驅使亦以其門地有其所任新田氏  
京師大捷殆致掃殄者非自公之策耶嚮使帝以其朝廷哉然觀其  
者以任於公乎曷至使犬羊狐鼠之賊蹂踐吾朝廷哉然觀其臨  
死戒子又曰吾死天下悉歸足利氏夫知天下之不可為而猶雷

餘年之久舉一門之肝腦而竭諸國家之難至其漸盡灰滅而後  
足利氏始得大成其志於天下蓋朝廷不能大任楠氏而楠氏所  
以自任莫以加焉世之論中興諸將尙視其資望大小而不深揆  
其實亦與當時之見等耳不有楠氏雖有三器將安託焉以繫四  
方望哉笠置夢兆於是益驗而南風不競俱傷共亡終古莫以恤  
其勞悲夫抑正閏雖殊卒歸於一能熙鴻號於無窮使公知亦  
可以瞑矣而其大節巍然與山河並存足以維持世道人心於萬  
古之下比之姦雄迭起塵能傳  
數百年者其得失果何如哉

明史日本傳天順初其王源義政以前使臣獲罪天朝蒙恩宥欲  
遣使謝罪而不敢自達移書朝鮮王令轉請朝鮮以聞廷議敕朝  
鮮覈實令擇老成識大體者充使不得仍前肆擾既而貢使亦不  
至

籌海圖編天順二年入貢至京師宴賞豐渥捆載而歸  
案史云天順貢使不至此云二年入貢未知孰是  
己三 長祿三年和漢年契營華亭四裔編年表去年殺房為關白

庚辰 寬正元年四裔編年表改元和漢年契朝鮮聘使來義政任

左大臣冬十月畠山政長討義就於河內日本外史入足利氏中

將弟義種之子相襲享德中義繼天無子以族義敏為嗣義敏者義

不喜義敏相共竊罵之曰新主人何無禮於舊家臣也因伊勢貞

親請廢之貞親娶甲斐氏則右之為請義敏致仕貞親之請

老不肯乃諭義敏讓其子松王而自退三年義敏致仕貞親之請

立義廉許之義廉者義種孫也義敏失望走依大內教弘伊勢氏

世掌出納其有權而義政時尤甚義敏政妻曰富子藤原重政女

也政獨事游宴而已義政喜奢侈高倉第障子一開直二萬錢其

數次至義政時賦什倍前代前代借畿內富商之金率一歲不過

其費率十歲一舉義政五歲九舉天下凋弊近江士人能谷某好

學密上書幕府極諫義政怒曰其言則然而非其人能谷某好

親奪熊谷邑逐之先是畠山政長義就聞河內義政兩赦之入京

師寬正元年九月義政命貞親逐義就義就曰吾願無罪

將軍豈信讒乎乃奔河內義政令政長攻之陷若江城

辛巳 寬正二年和漢年契冬十月足利義政遣弟政知任關東總

管 寬正三年和漢年契夏四月政長陷金胎後諸城義就奔

吉野

癸未 寬正四年和漢年契元日三日並見日本外史入足利氏中

據岳山金胎寺二城擊卻京軍而金胎寺竟陷四年三月京軍圍

岳山山名是豐以備後兵先登與義就戰七勝七敗城兵疲而卻

是豐曰我宗全子也不拔城不日城兵不敢出義就揮刀身先士

卒是豐曰義就勇士真吾敵也戰至日暮乃交解四年岳山陷義

就欲自殺湯淺二郎代死義就走脫入高野政長攻之又走吉野

政長凱旋是豐歸語父

以義就勇持豐心奇之

甲申 寬正五年和漢年契秋七月帝禪位於皇太子在位三十六

年政長任管領冬十二月足利義政養其弟義視為義子日本外

利氏中五年皇太子受禪是為後土御門帝義政亦倦政欲辭職

而歲三十未有子也弟義尋削髮為淨土寺門主義政欲讓職於

義尋義尋固辭曰近日人情反覆可畏義政使人言曰子豈有所

願慮耶吾他日舉男就禰祿即為僧耳必不子廢也子第速來代

赴謁勝元執事焉已而義政殊無讓職之意日本國志後土御門



帝寬正五年義政復遣清啟等於中朝貢表有云渺茫海角雖不  
隸版圖之中咫尺天顏猶如在輦轂之下至京隨人傷人於市憲  
宗皇帝命付清啟尋釋歸

後土御門天皇

和漢年契後土御門天皇諱成仁後花園之子日本國志母嘉樂

門院藤原氏

乙憲宗成寬正六年和漢年契義尚生日本外史八足利氏中六  
丙化元寬正六年和漢年契義尚生  
丙外慶賀富子不忍以為僧也日夜號泣願立為嗣欲得一強援  
丙念諸將有威力者曰無若諸人道者密作書屬持豐曰吾欲立孺  
丙子而義親業已為嗣勝元輔之不可撼也願公為吾圖之持豐素  
丙恨勝元欲立義尚而已執事焉也乃許諾之因請赦義就入京師  
丙以援

文正元年四裔編年表改元和漢年契持通為關白寄書於

附詳斯皮義政與義廉亦日本外史八足利氏中持豐又以  
蓋日請復義敏貞親遂以教旨召義敏入京師禁義廉朝從收其  
第宅大田垣等交諫曰以私姻背公命其若之何君盍以其適武衛  
者轉適公方乎是轉禍為福也君不聽臣等當薙髮染衣住  
高野粉川而已不忍視君及禍也持豐笑曰吾加箭於奴輩何不  
可之有赤松滿祐之獄普光公也細川六角武田諸人往者如雲  
大敗於蟹坂路阻不進然而自但馬口入一戰梟逆賊首以報將  
軍仇者誰乎然未幾何召賊餘孽奪我功田子之吾聞父讎不與  
共戴天田夫野人猶知此義今不疾父讎而若輩謹慎以納媚焉  
子彼如此公方真可賴也饒令吾背公命而若輩謹慎以納媚焉  
何必高野粉川之因拂衣而入大聲罵曰大姓有可罰者當告  
管領諸將以決其議貞親一豎子敢進退三職欲使武衛之家  
亦踵畠山氏之禍禍敗之至真不可測今日在彼明日在我我必  
往與義廉共生死耳於是山名氏家臣咸決意修兵京師訛言今  
出川氏亦右義廉死義親視懼乃走人勝元第有人告貞親曰山  
名奉命來討四月貞親親東奔伊勢義敏北奔越前諸將連署請誅  
貞親曰貞親不伏誅則羣臣不復能朝從義政不得已聽之使人  
論解義親於是持豐復請赦義就義政許之持豐喜使報義就  
義就在熊野得報即發九月入京師謁幕府經詣謝持豐極歡而出  
或夜書義就門曰右衛門佐拜戴二物御所之杯山名之足義就  
謂勝元政長之黨所為也



籌海圖編憲宗成化二年倭船至寧波規知有備矯稱入貢時都  
指揮張翥洞燭其偽貢之奸而去又<sub>是</sub>年寇陷浙江大嵩所賊偽  
稱入貢官軍不為嚴備遂襲破大嵩所官兵夜圍其舟檣燈達曙  
不移舟已乘潮遁去燈皆懸於篙端篙卓沙上蓋設詐以款追兵  
也臺間大臣以失機獲罪

亥三應仁元年和漢年契改元春正月管領政長出奔二月細川  
勝元山名宗全作亂搆兵於東西京日本外史入足利氏中明年

以下更變將軍是時政長為管領正月二日政長治具請義政蓋  
政不往政長驚曰吾勤仕異等饒使不蒙褒賞何遽至被疏斥當  
宗全義就讓言所致也義就聞之大喜曰彼已為將軍所疏斥當  
往驅逐之政長家宰神保長誠請政長修守備十五日持豐饗義  
政畢聚義就義廉等諸將圍幕府而請曰義就既被赦當移任本  
第而勝元右政長以梗公命請詰問之義政乃遣使問勝元勝元  
曰吾將自往答矣使者還報幕府戒嚴兵聚細川氏者可一萬義  
就等亦聚兵於幕府義政出令曰政長義就獨身決戰諸將毋得  
後持豐怒曰三日請之一朝失之如何義就曰獨身決戰諸將毋得

息久之乃答曰賴春死國難賴之輔幼主以至於臣六七世未嘗  
背叛也今盜背友誼不忍被叛名當謹奉令耳長誠聞之謂政長  
曰右京大夫已不援我我孤立矣義就自幕府來諸將豈無借撥  
之者本第平夷不可拒守為今計者宜據上御靈林南負相國寺  
西依大夫第戰即不利大夫豈坐視乎且大夫家老安富元綱與  
臣親善即使大夫不援而元綱必來也政長然之乃燒其第以六  
千人出從士以為奔也行道亡比至御靈林裁二千而己義就  
曰兵利在乘勝是為不可失矣十八日侵晨赴之時方雪兵凍不  
前政長兵亂射斃數百人而義廉等潛來助義就政長苦戰細川  
氏闔門不敢出援長誠使人言元綱曰自旦戰至暮我兵疲矣不  
敢望援兵特請惠一尊酒將與主公訣飲自裁元綱不答政長  
縱火祠宇穿林而逃義就入觀宇下有三尸曰尾張守死矣乃  
旋持豐大喜散遣其兵世嗤勝元不援政長也諸日細川宜政  
股川害尾張者是此川勝元愧之閉門不出叔父持賢數激怒之  
時勝元第在東持豐第在西以夾室町府義視往來二人鬪和  
之勝元自發其所管攝津丹後土佐讚岐之兵族政之以阿波  
勝元自發其所管攝津丹後土佐讚岐之兵族政之以阿波  
師春以備中元春以和泉政春以淡路斯波義敏以越中畠山  
長以紀伊河內京極持清以隱岐出雲飛騨近江赤松政則以播  
磨備前美作武田國信以安藝若狹並屬勝元兵凡十六萬餘人  
議曰幕府門前一色義直第與西陣相接而為之守我今遣一  
將陣實相院以隔絕之則義直必怖而走我乃入幕府請將軍  
二十四日遣武田國信等陣焉義直果走勝元乃入幕府請將軍

牙旗樹之四足門又迎義視置府中令將士屯諸街巷以討持豐  
持豐聞之曰悔為豎子所先於是亦發兵持豐自發其管但馬  
播磨因幡之兵族教幸以伯者備前教清以美作石見斯波義廉  
以越前尾張遠江畠山義就以大和河內紀伊畠山義純以美登  
六角高賴以近江一色義直以丹波伊勢土佐土岐成賴以美濃  
並屬持豐兵凡十一萬餘人山名是豐與勝元約為父子以故獨  
屬東陣西陣遣垣屋攻實相院遣大田垣守東面而前壘京師人  
負擔奔竄後三日細川氏兵攻前壘發火箭燒而走之持豐遣義  
廉教幸攻師春大宮第師春乞援於勝元勝元乃遣持清將萬人  
過辰橋未陣義廉將鹿草朝倉等呼諜薄之持清兵卻遂大奔爭  
橋而墜者數千人政則曰備中守孤軍嬰壁不援之者非士也勒  
三百騎自豬熊巷赴援擊走義廉兵拔師春入政之村雲第山名  
氏兵躡之縱火第外戰煙燄中如此者兩晝夜伏尸填塞街衢六  
陣兵漸加大內政引素黨西陣與河野氏合兵三萬來援東陣遣  
政則拒之於攝津遣政國國信攻武衛壘欲及政引未至拔之乃  
攻二十日未能拔而政引已至擊政則政則走至五條不得入乃  
東走岩倉山西陣望見其炬火遣兵三道要擊皆敗卻政則經神  
樂岡自御靈口入東陣東陣流言將軍近臣有通款西陣者常泄  
密謀所以取敗八月勝元與家臣議以甲六千扼守諸門使教春  
請逐番眾十二人義政聽之近臣皆怒曰上意所注在西勝則  
笑東勝則輦何獨吾儕吾儕選於眾中特受放逐之命亦足以死  
矣爭結束將鬪當是時勝元迎上皇天皇於幕府政長特敘三位

不右己則挾天子以戰也持豐亦計攘下京之敵以出敵東面取  
三寶院相國寺以塞御靈口也九月令義就政引成賴高賴義直  
赴攻五將臨發誓持豐曰此行不取相國寺者無復生還乃各將  
萬人攻三寶院武田國信弟基綱與其父信賢以二千入守之力  
拒終日兵皆散亡基綱獨開院門偏扉以身當敵敵不敢逼島山  
氏驍卒野老源三有膂力挺進搏之基綱碎死曰試受吾刀乃擊其  
胄刀折基綱大號奔逸莫敢遏者源三頭碎死西陣兵既取三寶  
院進攻淨華院逐守將京極持清焚近衛鷹司以下三十七第遂  
向相國寺勝元令安富元綱等三千騎守相國寺別出兵於一  
而寺僧陰通款於西陣舉火為應捍一條者駭願引還西陣兵  
追至寺門元綱兄弟以手兵拒總門與政引成賴格鬪七合殺傷  
大當自晨至昏西陣兵終不能入已而東門失守西陣兵全入元  
網兄弟咄嗟馳之箭洞胸死政引成賴既取相國寺收所獲首級  
載之以車八輛以送致西陣因屯相國寺取相國寺收所獲首級  
屯相國寺我猶釜中魚也急遣一將擊走之勝元曰吾亦思此而  
諸將士各有所守與敵相拒不可拔足誰赴援者秋庭某進曰  
山公其人忠勤誰出公右召政長對曰僕雖無似辱受此命不敢  
則當今忠勤誰出公右召政長對曰僕雖無似辱受此命不敢  
往願御靈林之役多亡士卒在者僅二千而已若何勝元有慙  
色政之乃令其部將東勝某援政長政長於言曰諸君勿憂政長  
語曰以此寡兵恐不能克政長據鞍而言曰諸君勿憂政長往焉  
雖有百萬敵保能破之即得克乎今日之事僕專任其功諸君幸  
證之乃進望敵陣指問其候騎曰彼山門前者為誰曰成賴山門

後者誰曰義值其南者誰曰衛門佐氏神保長誠說政長曰敵兵  
眾盛如彼君厚集其兵合力衝突之彼必縱兵圍我我可以破其  
一面也政長從之乃蒙楯而前比薄敵乃舍楯直衝門前陣大  
潰卻入門後門後兵杳蹙不能揮槍義就謂其將甲斐莊某曰彼  
其尾張守也我前軍槍鋒不整必敗亟勒隊吾將代進言未畢門  
震兩陣間於是兩陣皆戰疲交綬以相國寺為界高壘峻塹為持  
久計當是時伊勢貞親在鈴鹿關聞京師亂乃歸依勝元勝元以  
其不善持豐欲置為己黨為請復其舊職以何察府中應敵者義  
視素惡貞親恐其離間兄弟意不自安竊謀逃奔遂闕行至北畠  
教親營與

俱奔伊勢  
子應仁二年日本外史入足利氏中二年四月義政以書招還  
還九月入幕府會有蜚語勝元謀廢立義政疑懼勝元聞之乃陰  
計走義視於西陣十一月令武田信賢擁義視冒雨上叡山持豐  
間之喜遣兵迎之奉於武衛氏時義視為正二位權大納言十二  
月詔削其官爵大納言藤原教忠等七人畱在禁內遂奔西陣亦  
削其籍勝元復為管領政則為侍所司政則家老  
浦上某為所司代自是兩陣如將軍兄弟爭者

明史日本傳成化四年夏乃遣使貢馬謝恩禮之如制其通事三  
人於市有司請治其罪詔付清啟奏言犯法者當用本國之刑容還  
於市有司請治其罪詔付清啟奏言犯法者當用本國之刑容還

國如法論治且自服不能鈴束之罪帝俱赦之自是使者益無忌  
己丑文明元年四裔編年表改元

庚六文明二年和漢年契後花園崩年五十二寄書於朝鮮日本  
寅入足利氏中文明元年三月勝元遣部下兵夜縱火西陣入至持

豐營持豐提薙刀出親戰庭中從兵四集殺安富某等十餘人餘  
兵走歸四月義政分子丹後於信賢政國二人遣吏入國山名氏  
吏拒戰迭有勝敗五月多賀高志率近江兵入援東陣間西陣黨  
六角龜壽起近江則引還勝元乃令國信城北白河屬之叡山以  
通近江商賈又令是豐城天王山塞西陣糧道持豐令義就屯勝  
龍寺拒之又令政弘城狃野以其家臣二尾某畱守焉二尾叛應  
東陣會少貳嘉賴子教賴歸自對馬謀復其國西陣大亂政弘走  
歸周防西陣失勢赤松氏將中村某亦略播磨備前美作盡復其  
國二年十二月上皇崩於幕府三年正月葬上皇葬儀不備義政  
徒步  
奉送

卯辛七文明三年和漢年契夏五月上杉顯定拔古河城成氏出奔

總州千葉

壬八 文明四年和漢年契天下大旱四裔編年表義尚任將軍

癸九 文明五年和漢年契春三月山名宗全死夏六月細川勝元

巳 日本外史八足利氏中四年勝元以將軍旨說畠山義統義統

死降義政賜之越中能登以通北國糧道西陣益失勢逃降相屬

五年三月持豐病卒西陣猶不解去勝元欲乘喪擊之五月勝元

亦病卒子政元嗣勝元與持豐構難未決勝敗而死然政權終歸

細川氏○日本外史九足利氏正記足利氏下兩陣皆喪首領猶

屹然相對十二月義政讓軍職於義尚甫九歲畠山政長為管領

七日而辭以族義統代之賞降東陣功也

甲十 文明六年和漢年契遺書於朝鮮

乙十 文明七年和漢年契義尚任參議聘於明日本國志文明七

年義政復遣僧妙茂等於中朝表乞銅錢書籍詔賜錢五萬貫暨

百川學海法苑珠林等書其表曰日本國王臣源義政上表大明

正使妙茂長老副使慶瑜首座謹拜方物親承寵光冀推丹衷

賜素察謹表以聞臣源義政誠惶誠恐頓首謹言成化十一年乙

未秋八月念八日日本國王臣源義政謹表義政名下鈐日本國

王印又別幅具開貢品咨禮部曰馬四匹散金鞘柄大刀二十

黃一萬斤馬腦大小二十塊貼金屏風三副黑漆鞘柄大刀一

把槍一百把長刀一百柄鎧一領硯一面並匣扇一百把又奏

日成化五年伏奉制書特頒勘合并底簿等物聖恩至重手是

措感戴感戴然而敝邑搶攘所謂給賜等件皆為盜賊所剽

止得使者生還而已爰有景泰年間所頒未填舊勘合請以此

照驗今後濫行今填勘合者必賊徒也罪當誅死抑銅錢經亂

失公庫索然土瘠民貧何以賑施永樂年間多有此賜又書籍焚

於兵火又一秦也敝邑所須二物為急謹錄奏上伏望俞容書目

開列於左方佛祖統記全部三寶感應錄全部教乘法數全部法

苑珠林全部寶退錄全部免圖策全部遞齋閣覽全部類說全部

案史不載十一年入貢圖編不載四年互異

丙十 文明八年

考十五後土後備門

三



丁酉三文明九年和漢年契東西軍敗政長任管領冬十一月宗全

殘黨去京飯國義視往濃州洛中靜謐日本外史九足利氏下九年十一月西陣諸將各解

歸國義視往依土岐氏東陣亦解自應仁元年至此凡十有一歲

兩陣兵士交出焚掠文武第宅蕩為荒野關白兼良以下諸公卿

散走四方或遭戕害歷朝典籍概罹兵燹而義政冥

詠自若發使者赴朝鮮求勘合印信以購海外珍寶

明史日本傳十三年九月來貢求佛祖通紀諸書詔以法苑珠林

賜之使者述其王意請於常例外增賜命賜錢五萬貫

案此次入貢圖編不載

戊十四文明十年和漢年契冬十月成氏與顯定講和復入古河城

顯定繼山內家居上野平井以管八州成敗上杉定正家老大圍

道真及男道灌在武州河越與江戶城私謀聞於諸士八州多背

顯定從定正者於是兩上杉矛盾合戰不已

器玩焉日本外史九足利氏下十一年遂退居東山起銀閣以擬

皇之歲斯波氏家臣甲斐其君奪越前以應西陣朝倉敏景

誅殺甲斐義政賜之越前於織田氏乃奪尾張義政不問也自

是天下武人不復朝足利氏山名氏及其黨與諸將散在諸國往

往漸就衰滅而細川氏與上杉氏張於東西者如故上杉憲忠之

與成氏和也義政亦使論解之而君臣猶相嫌隙後四歲成

氏與結城成朝謀伏力士於門側而召憲忠至入門力士擊

殺之上杉氏族皆怒叛成氏明年長尾昌賢請京師立憲忠弟房

顯為管領與扇谷上杉定正共攻成氏轉戰武藏相模開房顯築

壘於五十子兵結不解者三歲矣房顯定正請京師曰願得戴一

將種以討成氏義政乃使其弟削髮為香嚴院主者蓄髮命名政

知遣之關東關將士多歸心於成氏少附政知於是政知留

在伊豆堀越房顯既卒子顯定嗣顯定與定正奉政知於城氏

成氏走據古河城既卒子顯定嗣顯定與定正奉政知於城氏

宮諸族為之羽翼顯定正攻之十一年歲而陷成氏奔于城後七

本國志義政喜奢靡一花亭費六十萬緡一媛閣帳子費三萬

錢故賦歛日增故事借富商金以供用義滿時歲四次義政事有

二次至義政乃八月九次又下借貸不償之令名曰德政故事有

大儀課諸侯助役概五六六年一舉義政五年九舉是以公私交困

義政日恣淫樂政事委之傳宣之臣及妾媵僧尼請謁公行號令



抵悟亂黨交攻輦轂兵燹七道之內  
俱為戰場為日本古今極亂之世

庚子文明十二年和漢年契教房薨上州

辛丑文明十三年

壬寅文明十四年

癸卯文明十五年日本國志十五年復乞銅錢表略曰敝邑久承

焚蕩之餘銅錢掃盡公私借虛何以利民今差使入朝所需在斯

聖恩鴻大願賜錢一十萬貫則國用足矣時日本所在用兵自是

不能復通而往來通商者皆周防大內氏豐後大友氏為多

甲辰文明十六年和漢年契義尚敘從一位

明史日本傳二十年十一月復貢

籌海圖編成化二十年六月使臣周瑋等入貢敕諭彼王知會自

後宜格遵宣德中事例

明會典成化二十年回賜國王紵絲二十表裏紗羅各二十四錦

四段銀二百兩王妃紵絲十表裏紗羅各八匹錦二段銀一百兩

差來正副使每員金襴袷紗一領鍍金銀鉤環全羅直裰一件羅

褊衫一件紵絲二匹紗羅各一匹絹六匹銅錢一萬文靴鞵各一

雙居座以下土官從僧通事從人有差正貢外使臣自進并官收

買附來貨物給價不堪者令自貿易

乙巳文明十七年和漢年契義尚補兩院成氏乞和許之

丙午文明十八年和漢年契政元任管領顯定行間於定正令

殺家老道灌日本外史九足利氏下顯定於是在上野平井管領

其臣大田持資有才略削髮稱道灌道灌精築城之術築江戶河

越二城居焉與父道真協心大播恩威入州將士漸背山內歸扇

乃縱反間盛稱道灌材武得士心非為定正下者定正稍忌之十

考十五後土御門

八年定正招道灌賜酒酒酣命浴使人槍刺殺之子資安與道真共降顯定顯定大喜曰定正陷我計中不足復圖

丁三 長享元年四裔編年表改元和漢年契兩上杉作亂

戊孝宗引 長享二年和漢年契義尙更名義熙

己二 延德元年四裔編年表改元和漢年契義熙薨日本外史九

酉 亨元年將兵發平井擊定正定正遣使古河乞援於成氏成氏使

其背命不來也十月高賴逃甲賀山義尙畱陣鉤里義尙幼喜文

學與藤原兼良問答政事兼良為錄其語曰樵談治要又習騎射

在鉤里踰年講左氏春秋於幕中曰吾不滅此賊不復還京師延

德元年三月疾作薨於陣中官至內大臣右近衛大將從一位薨

年二十五內外惜之 義尙晚更名義熙

庚三 延德二年和漢年契義政薨四裔編年表足利義植為將軍

辛亥 延德三年和漢年契義視卒日本外史九足利氏下義熙無

義材為嗣義材後更名義尹終更義植二年正月義政薨官至左

大臣右近衛大將從一位准三宮明年義視薨於京師政知卒於

伊豆政知有子曰茶茶政知愛後妻子義通疏茶茶茶茶怨望遂

子五 明應元年四裔編年表改元和漢年契天下疫癘秋八月將

軍義植出師伐六角高賴於近江不克日本外史九足利氏下是

鉢形城兵威頗振不復敬成氏小田原城主大森實賴以書諫之

曰扇谷支庶也所以能抗山內者大田道灌之力也今既喪道灌

兵力衰削而偶克勁敵真僥倖耳乃輕蔑君長重喪將士之心禍

至無日矣定正弗能悛長氏遣使通好於扇谷氏與今川氏俱助

定正以擊顯定兩上杉氏終自是衰矣義通之走今川氏今川氏

護送之於京師細川政元為管領請義植寓義通於天龍寺將行

為僧也義植既襲職近國諸士盡來賀之獨六角高賴不至義植

曰吾將繼義父之志也明應元年九月義植親將討高賴攻拔觀

音寺城高賴復逃 日本國志明應元年將軍義植遣僧天澤使於

甲賀山義植凱旋 中朝不達所司請罪之詔自今止許五十人入都餘畱舟次嚴防

禁十八年冬來貢時武宗已即位命如故事鑄金牌勘合給之正

德四年冬來貢舟止一又無表帝命所司移文荅之是時日本大

亂將軍遣使不達當係筑紫 豪族私通不則奸民混冒也

考十五後土御門

癸六 明應二年和漢年契尙通為關白畠山政長死夏四月將軍

義植出師伐崑山義豐敗績於河州義植奔周防依大內義興

甲七明應三年和漢年契秋九月伊勢氏茂陷相州新井城三浦

時高滅冬又攻小田原城定正臣大森定實亡氏茂遂居之祝髮

號北條早雲日本外史十足利氏後記後北條氏○外史氏曰制

在文武因山海形便以分七道而王畿居中桓武定鼎平安四方

環嚮蓋亦盛矣然王政之衰方隅稍有竊據不可制者雖或速就

討滅而天下之勢漸趨分裂以馴致鎌倉之霸自是以還關東形

勢常雄天下而京畿莫之能勝余嘗歷遊東西考其山河所起伏

以為我邦地脈自東北而來漸西漸小譬之人身陸奧出於其首

也甲斐信濃其脊也關東八州及東海諸國其胸腹而京畿其腰

脊也至山陽南海以西則股耳脛耳故居其腰膂可以制其股脛

不可以制其腹脊且平安四戰之地天下有事必先被兵不如此

倉之獨以一面西制中原也至於元弘之時能一舉取北條氏為

由海內怨畔禍起其腹心非能以西勝東也方其盛時以鎌倉為

根本而置府於京師策紫其制天下如臂使指而足利氏反其所

為舍彼居此謬矣然亦有不得已也彼慮於南朝不能遠居鎌倉

故鎮以子弟藩屏室町而適啟爭端又因其內訌覆之而室町遂

自是亂矣是其不能制馭四方以襲王家之敗者非失形勢故哉

及其季世七道豪傑更相吞噬至元龜天正之關海內裂為八九

河上野上杉氏起於越後并越中龍虎視角立東西莫不有包舉爭

務耕戰帶甲數萬積粟如山龍驤虎視角立東西莫不有包舉爭

內之心夫北條氏據天下之胸腹而不能一出其兵以窺中原者

武田上杉據其脊以橫塞其衝也而二氏勢力相敵相持不決又

不暇圖其西毛利氏疆土雖廣以其股脛向東避強擊弱舍險

中原也織田氏介立四氏之中先其西而後其東避強擊弱舍險

取夷是以用力少而成功速豐臣氏亦因其遺謀遂得以致合一

焉織田豐臣之於形勢如又裂不能久馭天下者亦出於此耶夫織

田豐臣代足利氏者也而其所有土地山河不能大過於此耶夫織

據一方而不能及其久也要之此四氏者乘時衰亂各奮智勇以雄

其民而無所成者同日語矣則其於天下非無功德又不得日以

足利氏之叛臣也若曰四氏所據孰非王土則時勢之變遷至於

此非一日之故非所以咎於四氏也至其經營一方謀臣猛將之

鑒焉而於天下形勢分合之際又足以覽歎○後北條氏舊稱伊

勢氏伊勢氏出於平維衡維衡生正度正度生季衡及正衡稱伊

實太政大臣清盛之曾祖季衡任上總介子孫居伊勢其十一世

孫貞行除伊勢守仕足利義滿為奏者掌出納子貞國孫貞親相

繼仕其職甚有威權貞親弟貞藤除備中守娶尾張人橫井某女

生男於任處稱新九郎及長命名曰長氏為足利義視近士應仁

考十五後土御門

中從奔伊勢及義視還京師長氏獨留不從當是時足利氏權臣  
山名氏細川氏各樹私黨關於京師將軍義政不能制也長氏聰  
明有大志陰散財結豪傑一日謂眾曰天下之事可知也成功名  
取富貴舍今而何願關東入州地勢高隆士馬精強自古稱用武  
之地而永享以來無復定主苟得割據於此天下可圖也吾欲與  
諸君偕東因機制變謀有所樹立諸君豈有意乎眾奮從之後  
御門天皇文明八年長氏與荒木兵衛六人仗劍東行終至駿河依  
木又四郎大道寺太長氏與竹兵衛六人仗劍東行終至駿河依  
川義忠義其姊夫也會義忠卒子氏親猶幼將士分離各自爭  
關長氏姊抱氏親逃於山中上杉政憲上杉定正以足利政知之  
令發兵定駿河長氏迎而說之曰國內將士無叛者特以主幼國  
疑故樹黨耳今二公辱臨於此欲定今川氏僕雖無似願宣公意  
以戢將士有不聽者二公幸為討之政憲等曰諾長氏會將士誓  
焉然後入山奉氏親母子歸入府第政知兵乃引去將士皆以長  
氏為功使居入幡山城政知者義政弟也初義政父義教為將軍  
其族持氏世管領關東承享中持氏為其權臣上杉氏所滅蓋義  
教之志也上杉氏有兩宗曰山內曰扇谷兩宗請京師奉政知為  
主然關東將士思持氏不肯奉命乃索持氏孤子成氏立之成氏  
既長討上杉氏不克走保古河號古河公方山內族據上野平井  
扇谷族據相模大場皆陽尊政知戴以為君置之伊豆伊豆山內  
氏管國也給政知以田居於堀越稱堀越御所長享二年長氏徙  
居高國寺城陰窺伊豆而未得開焉乃修政令輕賦稅又出其所  
蓄假貨遠近收以薄息遠近賴之每朔望相率來謁調數者或免

為繼母所護囚之數年茶茶憤怨何守者懈出狀其繼母遂聚其  
黨弑政知殺其大臣外山秋山等而自立長氏聞之乃伴稱有疾  
浴伊豆溫泉以謂之曰伊豆可取也歸聚眾議眾咸曰吾輩願新  
九郎君為一國主久矣敢不效力延德三年四月長氏勒七隊并  
今川氏援兵凡五百人夜濟黃瀬川旦抵堀越氏縱火攻之賊走  
自殺於成就院伊豆人畏其兵威負擔奔竄長氏號令嚴明秋  
毫不可犯榜於路曰吾所以來者誅賊子而已非有所暴掠其各安  
乃堵以家長氏與以醫藥拊循之民更相告言多來歸者其豪族  
佐藤某先眾屬長氏長氏授以大見鄉地頭職復其先邑載印信  
焉關戶某者據深根城以抗長氏長氏移兵攻之長氏恩威大  
行於國內國內將士舊屬上杉氏者聞之無不率歸長氏長氏以  
三十日略伊豆以掘越氏邑自奉其餘無所取乃會父老豪傑諭  
之曰吾聞人主視民猶子民視人主猶父是古之道也及世之澆  
季武人貪殘剝民以自逞至胥而困屢吾甚憫之吾以羈旅之人  
來司牧是邦吾為汝為君汝為吾為民生相為君民是豈偶然哉  
吾獨願我民之富足也自今著令減租稅五分之一除諸雜課諸  
將吏違令虐民者聽其民來訴眾皆悅服爭欲為之長氏既主  
伊豆居其嗣絕乃養長氏外家橫井氏北條氏疏屬也至是長氏  
條氏者其嗣絕乃養長氏外家橫井氏北條氏疏屬也至是長氏  
女以爲北條伊勢同出於平姓遂自稱北條氏用三鱗徽號削髮  
號早雲早雲日計復北條氏故業以成其宿志祈於三島神祠夢  
有大杉二株一鼠齧其根仆之化為虎既覺召卜人占之卜人曰

考十五後土御門



公生歲次子子為鼠神是公克兩上杉之兆也早雲心竊喜焉當是時上杉定正上杉顯定更相怨卻兵結不解早雲聞之曰可以成吾事矣明應二年使使定正請助攻顯定定正喜攻之其部將大森實賴為小田原城主謂定正曰早雲梟雄也無故親我其意不測然彼以好來亦不可拒宜以禮答焉而重為之備定正略不加意三年十月早雲與定正偕出兵高見原與顯定夾荒川而陣定正進而亂流墮馬死其子朝四裔編年表足利義澄為將軍日本良走歸保河越早雲亦歸山外史九足利氏下當是時畠山義豐義就子也訴政長驕橫據譽田望輕侮諸將將將不平畠山義植討之四月義植陣於正覺寺數攻城舉兵二年三月政長奉義植討之四月義植陣於正覺寺數城譽田不能下義豐知細川政元與政長爭權相忌也陰遣使說細川氏家老三好之長之長子之慶勸政元援義豐合兵圍正覺寺義植脫走政長子尚長走紀伊政長曰吾可以死也與其臣丹下某等訣飲自殺政元歸京師議將軍繼嗣前關白藤原政基故與政知有姻因說政元曰義通在天龍寺未削髮當立政元然之乃亂國家不可以統師諸將莫敢異議乃立義通甫十五更名義高後更義澄閏月政元聞義植匿在筒井尚長在高屋遣兵攻之捕義植幽於家臣物部氏禁人出入縱一僧侍焉六月義植逃出奔越中終赴周防依大內政弘政弘卒子義興計起兵復義植政元養子高國以事怨政元叛通大內氏於是細川氏分黨京畿大擾兩上杉氏亦關於

月早雲使人言藤賴曰吾獵葦山其獸逃箱根願公以箱根假我我得縱爾取焉藤賴許之早雲率兵百餘人被獵衣裳踰箱根先縱牛數十頭鼓螺隨之憑高馳下直入內城藤賴惶駭不知所為出奔三浦早雲遂取小田原復取大場

籌海圖編孝宗弘治八年五月遣使壽萱入貢方物赴京沿途生事至濟寧強買貨物彼此殺傷罪及解官府照磨童劍指揮魏政提舉王昭俱調降通事林春充軍次年使歸司府失於檢點致鄧人朱縞填欠貨物而去

丙九 明應五年和漢年契赤松政則死

明史日本傳宏治九年三月王源義高遣使來還至濟寧其下復持刀殺人所司請罪之詔自今止許五十人入都餘畱舟次嚴防

禁焉

案圖編八年史九年據至濟寧云云實一事而紀載互有詳略



明外史與史合則圖編云八年者誤也

丁巳明應六年和漢年契關白尙基薨成氏卒日本外史九足利氏下六年成氏卒

子政氏嗣政氏與定正子朝良數攻顯定已而和之當是時海內武人迭相爭尋不復知有天子將軍

戊午明應七年

己未明應八年

庚申明應九年和漢年契帝崩年五十九日本外史九足利氏下九年九月帝崩置柩於

黑戶四十餘日乃葬十一月太子即位是為後柏原天皇

後柏原天皇

和漢年契後柏原天皇諱勝仁後土御門之太子日本國志母准

后源氏

辛酉文龜元年和漢年契改元義澄任參議義植起兵西國四裔

西國四裔日本外史九足利氏下天皇文龜元年義

癸亥文龜三年和漢年契夏大旱義澄敘三位早雲與顯定戰於

相州

甲子永正元年和漢年契改元天下大饑冬十月上杉顯定與上

杉朝良戰武州川越

乙丑永正二年和漢年契春三月顯定與朝良講和日本外史九

正元年政氏與子高基有卻搆兵初政氏有三子高基義明基賴

政氏欲廢高基高基舉兵攻政氏上杉顯定和解之使政氏退老

高基立義明奔陸奧基賴奔下野是時伊勢氏勢漸強大兩上杉

氏連和以拒之日本外史十後北條氏正元年九月上杉顯

定來攻朝良朝良求援於早雲早雲與今川氏親往援之戰於立

河原二年朝良遣使言顯定曰吾聞兩虎相鬪一狗乘隙我族構

兵數世國內費弊而早雲窺其後薦食關東吾與公莫乃為兩虎

乎顯定然之乃與朝良和已而顯定與長尾氏戰信濃敗死子憲

總嗣定正顯定前後死亡而早雲勢益張相模

人松田賴重等皆來降獨三浦義同不服焉

明史日本傳十八年冬來貢時武宗已即位命如故事鑄金牌勘

考十五後柏原

合給之

案明外史同圖編脫

丙武宗正 寅德元 永正三年和漢年契 彗星見

卯二 永正四年和漢年契 夏四月香西又六弒其主細川政元秋

八月又六伏誅 日本外史九足利氏下三年顯定弟房義為其臣

輝誅其賊政元素好鬼神說不近婦人以故無子養藤原政基子

澄之又養族政元春子高國皆不中意更養族元勝子澄元初賴之

之後世為管領曰上館二弟詮春滿之世領讚岐阿波曰下館猶

關東有兩上杉氏政詮春之後也元勝滿之後也澄元猶幼

在阿波三好之慶子長輝輔之藥師寺與次香西又六並為政元

家幸議曰管領言行無常不能久也澄元為嗣長輝執權則我輩

不能不出其下不若速行大事擁立澄之乃賂政元近士福井戶

倉等伺察政元是年六月政元齋戒夜入浴室戶倉就而刃之近

士波波伯部走救亦為所刃不殊奔阿波香西等乃迎澄之於丹

波立之義澄不能制七月三好長輝發兵擁澄元入京師香西城

嵐山據之出兵拒百橋波伯部為長輝先鋒遇戶倉關而斬

之澄之與香西藥師寺皆死長輝請義澄以澄元為管領而自執

政事後削髮稱希雲希雲之先曰小笠原長清長清子長房為阿

川氏始衰矣

辰三 永正五年和漢年契 夏四月大內義興奉將軍義植大舉兵

入京將軍義澄奔江州五月三好奇雲攻京不克死之義植復任

日本國志 義植令禁惡錢聽用洪武永樂宣德等銅錢破毀者而

定其價值

己四 永正六年和漢年契 盜犯柳營 日本外史九足利氏下大內

兵奉義植而東細川高國亦舉兵應之義澄懼與書高國講和

國不聽五年三月義澄奔近江依六角定賴澄元與長輝奔阿波

四月義植與政元戰至是畠山尚長與其臣木澤某等攻殺畠

山義豐數與政元戰至是畠山尚長與其臣木澤某等攻殺畠

出兵攝津與六角氏兵夾攻京師大敗自殺於知恩寺六月詔奪

義澄官爵還予之義植拔刀手斬四人身又被九創

幕府欲刺義植義植於近江弗獲

謂義澄所使也於是遣兵索義澄於近江弗獲

遣宋素卿於明 素卿先仕細川政元

明史日本傳 正德四年冬來貢禮官言明年正月大祀慶成宴朝

考十五後伯原

鮮陪臣在殿東第七班日本向無例請殿西第七班從之禮官又言日本貢物向用舟三今止一所賜銀幣宜如其舟之數且無表文賜敕與否請上裁命所司移文答之

庚五 永正七年和漢年契春二月義植親伐江東不克而還秋七

月長尾為景弒其主領越後日本外史十一武田氏上杉氏上杉氏本長尾氏平良文裔也良文後十

世曰景政居鎌倉稱權五郎以勇著東國大延氏柁原氏皆出於景政景政後五世曰景弘始稱長尾氏長尾氏嗣絕養上杉藤景

為嗣藤景本藤原氏藤原重房從皇子宗尊適東國食丹波上杉

邑因氏焉子孫為足利氏外戚管領東國藤景其庶曾孫也後臣

屬於上杉氏散處越後上野伊豆諸國自藤景而後十二世曰為

景為景輔上杉房能於越後後以事相隙舉兵鬪房能終死於兩

溝時永正三年也房能兄顯定為管領六年顯定與子憲總率上

野兵來討為景為景敗走越中西濱顯定畱徇越後越後士民不

服顯定推高梨某為將去歸為景七年六月為景與高梨合兵擊

憲總於椎屋破之憲總走保妻有莊隨而圍之顯定赴援戰於長

森敗死憲總走歸上野為景乃立上杉氏庶孽定實妻以其女置

之上條城奉之而已居越中府內徇越後盡下之長尾氏始大

柄紘封葺縛五所賄飛魚原龍澄遣使也素贖鞆時列名續

幼習歌唱倭使見悅之而縞叔澄負其直因以縞償至是充正使

至蘇州澄與相見後事覺法當死劉瑾庇之謂澄已自首並獲免

籌海圖編正德五年五月正使宋素卿副使源永春貢方物請祀

孔子儀注朝議不許素卿者即鄞人朱縞其家鬻於倭商湯四五

郎越境亡去至是充使入貢重賂逆瑾蔽覆其事蓋縞在倭國偽

稱宗室苗裔傾險取寵輔庶奪嫡爭功要利而夷夏之釁遂釀於

此

辛六 永正八年和漢年契秋八月細川政賢攻京不克死之義澄

卒

壬七 永正九年

明史日本傳七年義澄使復來貢浙江守臣言今畿輔山東盜充

考十五後相原

三

斥恐使臣遇之為所掠請以貢物貯浙江官庫收其表文送京師  
禮官會兵部議請令南京守備官即所在宴賚遣歸附進方物皆  
予全直毋阻遠人向化心從之

癸酉 永正十年和漢年契春二月義植復伐江東不克日本外史九足利氏

七年義植自將攻六角定賴敗歸是年六月上杉顯定討長尾為景欲為房義復仇戰於信濃高梨敗死顯定無子養政氏子顯實又養憲實子憲總及其死諸家臣逐顯實立憲總為管領八月細川政賢將南海東國兵入攻義植政賢持賢孫也義植以大內義興策避之丹波誘政賢入京師已而聚兵南歸與政賢戰於船岡山大敗之奏義興功敘從三位如畠山政長赤松政則故事是月義澄薨於近江嶽山官至參議從三位有二子長曰義晴季曰義維託義晴於赤松義村託義維於細川澄元義村政則子也十年義植復攻六角氏敗歸

去 籌海圖編正德八年五月倭船三隻使僧桂梧等貢方物越歲而去

案八年疑七年之誤

籌海圖編正德九年倭寇甯波奉化典史陸方領兵追捕大捷

乙亥 永正十二年

丙子 永正十三年和漢年契秋七月北條早雲屠三浦城殺義同

父子日本外史十後北條氏義同者上杉高教子也為三浦時高所養時高後生子欲殺義同義同奔依大森氏假其兵襲時高弑之據新井城略取傍近早雲欲討滅之外示柔弱不與爭也義同立其子義意而自居於岡崎城九年早雲遽發兵襲岡崎拔之義同徙居住吉與早雲戰連年早雲終大破之於鎌倉追擊至秋屋之隘義同據險止戰早雲乃引兵踰佐原山出其背義同走入新井城早雲隨而攻之城險食多久而不拔乃築長圍圍之數年是時上杉朝良死其子朝興在江戶聞新井急將兵來援早雲兵七千人乃畱其二千當城而自以五千邀戰於甘繩破走之城內益困大森佐保田等說義同曰宜奔上總依丸谷氏丸谷氏意妻父也義同曰持氏之死我父實為之而吾亦有弑父之罪積惡之報焉往而逃乎早雲謀知之十五年七月鼓眾疾攻城陷誅義同父子

丁丑 永正十四年

考十五後補原

三



戊十 寅三 永正十五年和漢年契天下大饑義興歸周防日本外史九

五年大內義興西歸周防以久居京師費用不支也綱目高國代為管領專政  
己十 卯四 永正十六年和漢年契北條早雲死日本外史十後北條氏

山年八十八子氏綱立氏綱容貌岸傑善用兵早雲之與業世綱力居多早雲臨終遺言氏綱等曰吾欲滅上杉氏并關東入州而未成其志子孫繼任其事毋敢或懈今我邑士不多散吾所聚財物養四方之士足以支二世矣三世之後莫所復事於財也苟兩上杉而相鬻隙吾子孫可以坐大矣吾視上杉氏其家法日衰亡滅非遠雖然彼大族也不可輒取曠日彌久以跌其弊譬之癰疽其毒之封必三十許年乃成及其成則潰裂而無救也且立法訓二一 條以領將士氏綱守父遺訓益修政戰具平定相模進與上杉朝興爭武藏

庚十 辰五 永正十七年和漢年契澄元死四裔編年表停義植官爵日本外史九足利氏下

兵至攝津元長長輝孫也高國敗走近江五月高國與六角定賴合兵入京師元長大敗被虜澄元走播磨遂歸阿波病卒元長逃歸阿波高國益專橫義植厭之欲以畠山尚長子植長代為管領高國

川高國入京立義晴義植出奔淡路日本外史九足利氏下大永出奔淡路後二歲薨官至權大納言從二位高國迎義晴於播磨詔奪義植職子之義晴依高國請也是年朝廷始行即位禮本願寺僧獻其資因敕以僧准門跡

壬世宗嘉 午靖元 大永二年和漢年契義植卒於阿波  
籌海圖編世宗嘉靖元年倭掠寧波瀕海鄉鎮  
癸二 大永三年和漢年契遣商船於明日本國志管領畠山高國遣僧瑞佐宋素卿於中國通商抵寧波會大內義興亦遣宗設市易互鬪宗設殺瑞佐而逃  
明史日本傳嘉靖二年五月其貢使宗設抵寧波未幾素卿偕瑞佐復至互爭真偽素卿賄市舶太監賴恩宴時坐素卿於宗設上船後至又先為驗發宗設怒與之鬪殺瑞佐焚其舟追素卿至紹

興城下素卿竄匿他所免凶黨還寧波所過焚掠執指揮袁璉奪船出海都指揮劉錦追至海上戰沒巡按御史歐珠以聞且言據素卿狀西海路多羅氏義興者向屬日本統轄無入貢例因貢道必經西海正德朝勘合爲所奪我不得已以弘治朝勘合由南海路起程比至寧波因詰其僞致啟釁章下禮部部議素卿言未可信不宜聽入朝但釁啟宗設素卿之黨被殺者多其前雖有投番罪已經先朝宥赦毋容問惟宣諭素卿還國移咨其王令察勘合有無行究治帝已報可御史熊蘭給事張紳交章言素卿罪重不可貸請并治賴恩及海道副使張芹分守參政朱鳴陽分巡副使許完都指揮張浩閉關絕貢振中國之威寢狡寇之計事方議行會宗設黨中林望古多羅逸出之舟爲暴風飄至朝鮮朝鮮人擊林望古多羅並論死繫獄久之皆瘐死時有琉球使臣鄭繩歸國命傳諭日本以禽獻宗設還袁璉及海濱被掠之人否則閉關絕貢徐議征討

籌海圖編嘉靖二年四月倭船三隻譯傳西海道大內義興國遣使宗設兼道入貢越數日倭船一隻使人百餘復稱南海道細川高國遣使瑞佐宋素卿入貢導至寧波江下時市舶太監賴思私素卿重賄坐之宗設之上且貢船後至先與盤發遂至兩相仇殺毒流市廛宗設之黨追逐素卿直抵紹興城下不及而還至寧波脅寧波衛指揮袁璉奪船越關而遁時備倭都指揮劉錦追賊戰歿於海定海衛掌印指揮李震與知縣鄭餘慶同心齊變一日數警而城以無患賊有漂入朝鮮者國王李懌擒獲中林望古多羅

械至京發浙江按察司與素卿監禁候旨法司勘處者凡數十次而倭囚竟死於獄倭人自此懼罪捕誅不敢款關者十餘歲

甲三 大永四年日本外史十後北條氏大永四年氏綱遂放江戶

申 大永四年城朝興走據河越氏綱數攻之未能下乃遣使平

井約來攻河越憲德兵兩無所援而朝興數為氏綱所敗氏綱

又與足利高基婚高基者成氏孫也欲藉伊勢氏力以拒上杉氏

則為其子晴氏娶氏綱女氏綱於是暴

上杉氏累世不臣之罪以論關東將士

乙四 大永五年和漢年契植家為關白

丙五 大永六年和漢年契帝崩年六十三日本外史九足利氏下

為後奈良天皇高國信護殺其臣香西光重京師亂義晴奔阪下

遂附近江柘木依佐佐木植綱三好元長在阿波開之乃奉澄元

子聰明五郎舉兵入京師高國乞援於近

江若狹越前諸將期會奉景來援高國

後奈良天皇

和漢年契後奈良天皇諱知仁後柏原之皇子日本國志母豐樂

下七年二月元長至京師高國陣桂川東孝景陣鳥羽元長為三

軍與高國夾水而陣上軍濟上流下軍濟下流高國陣左右顧而

動元長則以中軍為圓陣亂中流衝高國陣陣合以圍之上軍下

軍皆濟內外夾擊高國大敗棄旗走元長軍追之部伍頗亂孝景

乃橫擊破元長元長走歸阿波三月元長大舉至界浦連下諸城

獨伊丹未下高國遣兵救之自陣東寺畠山義宣義豐子也起兵

應三好氏與丹波香西氏皆約攻高國

高國度不可支乃講和元長佯聽之

戊七 享祿元年四裔編年表改元和漢年契義晴如近江

己八 享祿二年

庚九 享祿三年

明史日本傳九年琉球使臣蔡瀚者道經日本其王源義晴附表

言向因本國多事干戈梗道正德勘合不達東都以故素卿捧宏

治勘合行乞貨遺望并賜新勘合金印修貢如常禮官驗其文無

印篆言倭謫詐難信宜敕琉球王傳諭仍遵前命

辛十 享祿四年和漢年契夏六月細川高國與三好海雲戰高國

敗績於尼崎日本外史九足利氏下享祿元年諸援高國者皆解

角朝倉尼子氏皆弗納終往備前依浦上村宗村宗方弒其君赤

冠於聰明五郎名曰晴元居於界城元乃與高國相結託時元長加

稱宗三嫉元長專權與晴元所寵木澤長輔佐之元長叔父政長

元長與伊丹城將有姻欲援之柳本香西氏族也二年柳本政伊

丹元長怨望自歸阿波高國聞元長不在乃發兵攻晴元晴元意

悔召元長自援十一月高國與村宗合兵來攻晴元赤松氏遺臣

不服村宗者擁赤松晴政通款於晴元四年春元長發兵助晴元

六月大戰於天王寺側殺村宗走高國高國走尼崎匿於染戶齋

中元長兵索獲殺之播磨力人島村奮戰死

壬十 天文元年和漢年契春三月細川晴元殺海雲義晴入京

癸二十 天文二年日本外史九足利氏下天文元年正月元長殺柳

髮謝之稱海雲晴元意猶不釋密使三好宗三木澤長政圖之晴

元族持隆諫曰彼有大功殺之不義弗聽遂遣宗三長政誘本願

寺僧徒圍海雲於顯本寺海雲使其妻攜子長慶逃阿波而自殺

渡兵歸助長政僧徒城大坂據之晴元攻之不能拔請和與兵入

京師迎義晴於朽木自為管領義晴之在朽木也高基自古河

使使來請冠其子受將軍偏諱如故事因命曰晴氏上杉憲總已

死子憲寬為管領與伊勢氏綱爭武藏高基為晴氏娶氏綱女欲假其力以報宿仇

甲三十 天文三年和漢年契尹房再為關白

乙四十 天文四年和漢年契實香大相國贈故將軍義植大政大臣

從一位

丙五十 天文五年和漢年契台徒焚京行即位禮

丁六十 天文六年和漢年契彗星見藤原實隆薨秋七月氏綱與朝

定戰於武州克之日本外史十後北條氏天文六年四月朝興卒

大寺城以挑氏綱氏綱將兵直赴河越去城五十餘町而陣朝定

返兵自救時七月十五夕月光滿野兩軍交綏氏綱終大破朝定

取河越朝定走松山松山城主難波田某迎而內之稍收敗軍出

陣城外氏綱又擊大破之是役也相模人平岩重吉虜朝定叔父

朝成氏綱隊將山岡某來奪朝成效之麾下重吉後至爭功不決

氏綱乃密記二人鎧馬而屬朝成於山角某囚於河越山角善觀

考十五後奈良

臣



之時置酒款語嘗從容談錄倉舊事山角曰僕聞之故老右大將  
之東征也陸奧勇將由利入郎為宇佐美實政所虜而天野則景  
爭之右大將令梶原景時畠山重忠更質之入郎入郎前默而後  
對以重忠有禮也勇士之不可犯以非禮也如此朝成聞之慨然  
山角曰談偶涉觸犯幸勿為罪朝成曰噫僕猶入郎也嚮者之役  
吾盡亡士卒單騎走黑甲赤馬者追呼我我回轡而鬪皆墮馬吾  
搏伏之將拔刀其人奮起居我上而數人繼至吾終為所虜矣山  
角以告氏綱氏綱曰黑甲赤馬者重吉也乃賞重吉氏綱賞罰明  
如此

戊十七天文七年和漢年契北條氏綱與兩上杉戰於河越大克之

朝定死之冬十月氏綱攻足利義明戰於國府臺義明族悉亡

外史九足利氏下高基弟義明在陸奧享祿中上總守護武田豐  
三與原氏鬪千葉氏援原氏豐三不克豐三乃迎義明為主遠近  
爭附之遂攻滅原氏義明居於御弓稱御弓御所常思定關東以  
與基氏舊業高基意害之勤伊勢氏滅御弓七年伊勢氏大舉來  
攻義明義明與弟基賴將兵迎之義明馳突敵軍皆靡乃雷埃後  
騎中飛箭死基賴復走下野伊勢氏盡并其地。日本外史十後  
北條氏綱威聲益布遠近武藏下總諸城往往降附獨足利高  
基弟義明在下總御弓與氏綱爭強義明初與高基相惡亡依聖  
見義弘略其傍地兵力稍張高基害之請氏綱圖之先是義明與義

來救義明十月氏綱與義明戰於鴻臺大破之走義明獲義  
明斬首二千餘級九月再遣鶴岡嗣關東士民望氏綱風歸者日  
眾畿內西國商賈亦往往避亂來寓小田原日益殷實聲氣與上  
國相通東國道士歲詣大峰者過界浦見鳥銃於市持歸獻之氏  
綱關東之有鳥銃自伊勢氏始後益召致銃工及根來寺僧善銃  
者以助 晴信逐父信虎日本外史十一足利氏後記武田氏上杉  
兵威 晴信逐父信虎武田氏源義光裔也義光子義清稱武  
田冠者從父受射傳伯父義家之旗及無楯之甲世居甲斐義清  
孫信義及子信光等從源賴朝起數有戰功與逸見小笠原氏分  
領甲斐賴朝移小笠原氏於信濃以加藤氏代之以及足利氏之  
時信光後十餘世曰信滿上杉禪秀之亂信滿以與之連婚為逸  
見所讒自殺二子信重信長信重與族兄信元逃為僧信長依加  
藤氏與逸見鬪足利持氏伐而降之欲以其邑盡附逸見將軍義  
持不肯賜之於信元信元死子幼其將跡部專國招信重為假主  
結城之役信重有功新充守護乃誅跡部逸見加藤皆臣屬焉信  
重後五世曰信虎與駿河豪傑久島某戰而勝之以是日生男因  
名勝干代長曰晴信沈毅多權變信虎愛少子信繁欲廢晴信晴  
信故為癡狀以自晦與信繁角材技輒出其下或伴墮馬為人  
扶起諸將皆侮晴信晴信獨與駿河國主今川義元相結託義元  
其女兄夫也天文五年義元為奏請以晴信為嫡嗣加首服任大  
膳大夫兼信濃守十一月信虎出兵信濃攻海口城城主平賀源  
心善戰信虎以兵入干攻之踰月不能拔會大雪諸將議曰時已  
窮臘請班師敵亦必不尾也信虎從之晴信請自殿信虎笑曰敵

必不尾而請殿如二郎必不然也晴信固請以兵三百殿後大軍  
數里止舍親警其兵曰勿釋甲勿卸鞍食於馬而後食五更即發  
唯吾所嚮是視兵皆竊嗤之曰風雪如此何警為五更晴信即發  
還向海口與三百騎冒雪馳跡爽抵城源心已散遣其兵獨與百  
人畱守晴信分兵為三自以一隊入城二隊揚城外應之城兵  
不測其眾寡不戰而潰乃斬源心以其首歸獻一軍大驚信虎不  
賞曰舍城而歸怯也諸將心服晴信而不敢稱其功晴信仍有患  
色信虎狂暴賞罰無常國人苦之晴信陰與老臣飯富兵部板垣  
信形謀益結今川義元素病信虎強亢欲助晴信而擅其國  
信虎不覺也七年五月信虎欲逐晴信於駿河因託之於飯富氏  
而自適駿河計之義元畱信虎不返而晴信自立於甲斐諸  
宿將莫不頰首聽命而鄰國聞變欲乘其隙信濃士民多去附村  
上義清六月諷訪城主諏訪賴茂深志城主小笠原長時合兵一  
萬來攻晴信令騎將原加賀畱守而自以六千人出拒荏崎加賀  
聚府中農商得五千人人人執一紙旗鼓諫而出敵乃退走晴信浸  
驕恣耽宴樂喜詩賦不視國政羣臣莫敢諫板垣信形稱病潛延  
一僧善詩者於家學詩數旬乃出待宴請賦詩晴信不信強請而  
可立就五題晴信大喜曰汝何遽能如此信形因大諫曰先君唯  
無道故為君所逐今君復如此得不復  
有如君者乎晴信感悟遂厲精為政

籌海圖編嘉靖十七年五月倭船三隻使僧古鼎副使僧周良持

勘合更給新者遵照入貢

己亥天文八年和漢年契夏六月三好黨復起義晴避之於八瀨

里始習鐵鎗日本國志天文八年將軍義晴上書於中朝義晴求

勘合不許大內義隆亦遣僧周良於中朝時華商多在周防貿易

公卿僧徒文士以四方鼎沸多避亂山口義隆又好讀書愛玩文

物屢延華商盡收古書畫名藝諸玩好一時稱盛

明史日本傳十八年七月義晴貢使至甯波守臣以聞時不通貢

者已十七年敕巡按御史督同三司官覈果誠心效順如制遣送

否則卻回且嚴居民交通之禁

庚子天文九年和漢年契尼子晴久攻其臣毛利元就於越州大

內義隆遣陶晴賢援之晴久敗日本外史十二足利氏後記毛利氏毛利氏出於大江廣元廣元十

一世祖曰本主姓士師氏為備中介本主生音人音人歷仕仁明  
清和之閒至從三位左大辨賜姓大枝氏後更大江與菅原氏並  
掌學政音人生于古千古之後七世曰匡房有文武才略教源義  
家以陣法匡房曾孫為廣元廣元佐源賴朝於關東使之霸天下  
以其薦為安藝介遷因幡守至正四位下大膳大夫兼陸奧守源  
氏北條氏之際為幕府元老數定大難有五子長子親廣承久之  
役屬官軍不知所終第三子曰季光為左近衛將監食相模毛利  
莊因氏焉娶三浦氏死於其難季光子經光出鎌倉居越後南莊  
經光子時親復起為六波羅評定眾足利尊氏親生親茂親茂有三  
子師親匡時直衡皆隸新田義顯義顯為戶利氏將高師泰所滅  
貞親以下猶屬官軍獨師親去屬師泰師泰之攻石見敵阻劫川  
山名時氏迎親茂及二弟共居焉足利氏令武田氏邑及師泰敗屬  
之師親生子廣房廣房生光房光房子熙房嘉吉之役攻堀坂有功  
熙房子豐元應仁之役與小早川氏守相國寺有功豐元生弘元  
弘元之子曰興元次曰松壽松壽幼有器量其保嘗抱之濟水而  
躡溺保惶懼謝罪松壽曰行道而躡常也庸何傷比髻鬣詣嚴島  
神祠既歸問從者曰汝輩何祈曰祈即君安藝也松壽曰汝盍  
願主一國矣其所成可知已聞者奇之興元既為嫡嗣松壽出養  
於丹比氏永正八年加首服名元就稱少輔次郎居猿掛城食邑  
七十五貫養士卒三百會明使者來聘京師略經若狹備前美濃

軍命攻略國內十月攻有田城城屬吉川經基經基與興元善是  
時皆在京師元繁柵於中堰使熊谷元直守焉別遣千騎焚猿掛  
城下元就以二百人出戰不利吉田兵聞急來援元就乃分兵五  
百備元繁援路而以千人疾攻元直破而斬之元繁遣兵來援不  
及乃雷一將當有田自將四千騎來戰元就令吉田將志道廣好  
潛兵出敵背夾擊破之元繁挺前濟水我兵射洞其胸其兵皆潰  
走乃報捷京師大內義興為足利氏管領為請褒賞元就元就遂  
并領武田氏邑八千餘貫經基妻以其孫女元繁子光與元就並  
之大永三年久光父子與備後三吉某戰而死元就赴援撫其遺  
臣并其邑萬餘貫六月出雲國主尼子經久攻大內氏將藏田信  
房於鏡山元就奉幸松為先鋒陰誘信房叔父某某斬信房出降  
被誅經久本六角氏其祖父持久為伯父高詮幹國事至於經久  
滅鹽冶某取富田城轉略山陰諸國南出兵侵大內氏大內氏世  
居周防山口為太宰大貳雄長關西是時大內義興在京師聞變  
馳歸自是連年攻戰石見安藝豪族介立其間嚮背無常獨毛利  
吉川武田氏常附經久七月幸松病卒無嗣家臣聚議選於羣叔  
以元就為嗣八月元就入吉田元就弟就勝與阪某渡邊某謀殺  
元就元就覺之襲殺就勝及阪渡邊阪者桂廣澄兄志道廣好弟  
也乃使人諭廣澄廣澄好曰吾不以阪故疑汝也廣好拜謝廣澄弗  
信自殺其子元澄聚族據城元就單騎往諭降之四年五月大內  
義興使其子義隆與其將陶持長將二萬人攻安藝諸城屬尼子

考十五後奈良

氏者七月尼子經久遣兵援之敗績八月元就以部兵四千夜斫  
大內氏營破之持長解去七年元就入京師在左馬頭為幕府相  
伴眾享祿二年熊谷信直以事怨武田光景亦以八木城屬元就將攻銀  
光銀山餘眾終奔若狹天文四年元就率光景信直等二千騎東  
略備後攻高野城將乞援於播磨赤松晴政未至元就急攻拔  
之并其兵又徇下數城先是尼子經久逐子興久殺之立孫晴久  
晴久遇元就就亡狀大內義興病卒於享祿元年遺言義隆曰元就  
與晴久有卻宜以是時奪為我援慎勿失其驩心吾嘗德彼彼豈  
不記之陶持長奉遺命百方通好元就終應之攻下國內諸城屬  
晴久者晴久大怒欲親來討之經久曰元就材武善用兵未可以  
力取也弗聽吉田城東北有冑山元就患敵陣山上以瞰城也  
晴久皆弗聽吉田城東北有冑山元就患敵陣山上以瞰城也  
出雲開來入元就覺之乃議曰敵陣冑山吾與穴戶隆家夾擊之  
陣三猪口則非吾利也隆家元就女婿守五龍城者也間者走報  
晴久九月晴久將騎卒五萬來陣於三猪口助武田氏餘黨復銀  
山四近將帥怖晴久兵威不敢援我獨穴戶竹原小早川諸族遣  
兵數百入城城兵凡三千人北軍焚掠城兵輒出擊走之晴久叔  
父園久部屬精勁稱新宮黨忿北兵數虜以萬騎來挑戰元就設  
二伏而出戰敵觀我寡單縱兵而進路狹不得齊進伏兵夾擊破  
義隆遣陶隆房等將兵來援陣天神山天下大饑氏康破憲政本  
外史十後北條氏十年氏綱病卒年五十五嫡子氏康立年甫十

政驕惰其嬰田督野信方上原兵庫專其政多偏私憲政獨  
游宴蓄舞妓數十人國內成風不復問武事常微伊勢氏曰彼小  
家耳何能為老臣長尾意玄獨以為患先是本間某并僕某以卒  
長有戰功憲政之嗣立也令管內禁射鹿菅野上原犯禁吏不敢  
告本間并僕邑其傍相雜射獵乃為人所告失色屏居意玄乃召  
內公疏忠近佞臣等獲罪至此縱令得免不願仕也願得仕君公  
多目頗疑之且收充行伍居歲餘二人乃亡歸平井具狀告意玄  
曰臣等熟視氏康為人沈毅不測剛柔兼濟時而讀書時而自用  
刀槍能等禮節威重自持而錄功不略下賤其用士無老無少皆  
適其器其子弟雖非嫡嗣皆給俸充用有功則進之故其下畏而  
愛之人人自奮願為效死而上杉氏將士皆陰通款其不通者九  
人而已早雲遺言兩上杉之亡在我三世後其相隙則吾家之慶  
也意玄以二人所言告憲政因與朝定和令國內禁奢華講武備  
錄將士子弟乃復二人邑菅野上原族之與其族黨謀上書於憲  
政曰早雲伊勢巧兒也倚今川氏之力以攘伊豆小國賤人之裔  
何足為慮而我諸老過畏怖之甚可笑也天下右族西有大內東  
有山內山內公號令遠及陸奧出羽麾下將帥富三倍小田原者  
可得五六人而瞿瞿然巧兒子孫是怖遣間諜謂上杉氏無人也  
近之嗤乎本間井僕背旨獲罪而遽復用之世謂上杉氏無人也  
臣聞氏康喜歌詠比頑童不知武事其將堪事者獨根來法師耳  
其下常相恐一日何必藉人力為與扇谷和所損甚多君勿聽焉憲  
公威德非一日何必藉人力為與扇谷和所損甚多君勿聽焉憲



政大喜曰意玄誑我游嬉如初將士通款氏康者爲二人所告斯  
大懼賂菅野上原以求解免菅野上原說憲政斥二人從而毒殺  
之又納諸家臣賂建議曰名族之嗣弱者宜各分邑於其家宰則  
戴恩者眾矣憲政聽之又舉高野僧善弓者祿之曰何遽下根來  
命駕而旋止者再三東人自是稱猶豫者曰管領命駕也

明史日本傳明年二月貢使碩鼎等至京申前請乞賜嘉靖新勘  
合還素卿及原雷貢物部議勘合不可遽給務繳舊易新貢期限  
十年人不過百舟木不過三餘不可許詔如議

案碩鼎當卽古鼎事實相符惟十七十九年爲異據不通貢十  
七年之文則史是圖編非也圖編之十七年當改十九年

籌海圖編十九年李光頭者福人李七許棟歛人許二也皆以罪  
繫福建獄逸入海句引倭奴結巢於霏霧之雙嶼港其黨有汪直  
徐惟學葉宗滿謝和方廷助等出沒諸番分艘剽掠而海上始多  
倭矣

久而自與長子隆元攻宮崎元就進破二柵隆房與尼子義勝戰  
於三豬阪義勝死晴久夜遁城兵尾擊多斬獲銀山兵間之亦遁  
義晴歸京

寅一 天文十一年和漢年契德川家康生日本外史十八德川氏正記德川氏二我

德川氏出於新田義重義重者清和天皇八世裔也天皇之孫經  
基始賜姓源氏降爲武臣其玄孫義家義家子義國居上野食新  
田足利諸邑生義重及義康義重氏新田義康氏足利共助宗子  
源賴朝以王命討滅平氏賴朝爲征夷大將軍開府關東令義重  
守寺尾城義重有五男其第四曰義季義季食德川邑因氏焉稱  
德川四郎義季生賴氏賴氏敘從五位下任參河守食世良田因  
又號良田氏賴氏生賴氏賴氏敘從五位下任參河守食世良田因  
政義性親季當是時宗子新田義貞奉後醍醐帝詔討北條氏  
於鎌倉滿義助之自稻村崎入擊破賊將安東昌貫北條氏既滅  
足利尊氏反天下武人皆黨之獨新田氏舉族勤王官軍數失利  
帝播遷南山義貞戰沒宗黨多死王事帝崩遺詔益眷新田氏以  
圖恢復後村上帝嗣立義貞子義興義宗舉義上野信濃間不克  
死政義父子蓋殉之矣尊氏孫義滿爲征夷大將軍開府京師以  
族氏滿管領關東親季子曰有親爲右京亮元中同宗族從義  
宗子貞方匿信濃爲氏滿所覺遣兵慶之有親與貞方脫走入陸  
奧起兵氏滿大兵來擊我眾潰有親挈其二子逃入上野祝人村

匿舊識民家聞錄倉執事上杉氏遣吏募素新田氏族甚急欲手刃二子而自殺會僧尊觀來過變容貌從之而西尊觀者蓋後村上帝子帝無子養龜山帝孫恆明及帝生子恆明避為僧是為尊觀後為相模藤澤寺主周遊諸國謂新田氏先朝所眷也為謀所以保護之乃權以有親及其長子為己徒弟狀有親呼德阿彌長子呼長阿彌皆削髮少子猶幼未削髮呼德壽並攜之去過參河寓大濱村寺時向連歌寺僧與近村諸豪為歌會以娛尊觀松平酒井兩村長亦與焉而長阿彌充書手德壽周旋執事兩村長熟視德壽容止相語曰是非凡種也微叩之尊觀尊觀察其無它具語以故村長皆有女無男欲分贄三子尊觀許之於是德壽養於松平氏及長命名泰親築室松平村以奉有親焉長阿彌亦蓄髮名親氏稱雅樂助後生子廣親是為酒井氏也泰親養父信重稱太郎左衛門泰親襲稱之為村長關棒莽達道路性壯武喜施振貸貧民而不責償鄰近親附泰親因從容謂眾曰吾為仇敵迫蹙流寓至此稍得安處願積歲月開地聚眾與復先業諸君能助我乎眾對曰敢不死生以之其中有嘗有罪者五人紮眾略中山七邑獻之泰親分其歲入賞之新田氏遺臣稍多來從者後花園承亨中大納言平實照以罪貶參河泰親善視之及其赦歸護入京師實照為奏請授一官朝廷憚足利氏不輒許後除州自代遂任參河守敘從五位下復世良田氏泰親有六男使長子信廣襲居松平村謂次子信光武類己以為嗣幼字次郎三郎初守岩津嗣立居岡崎稱和泉守善用兵攻大給北給并之又襲取安詳寬正六年額田民作亂州守護細川成之不能定幕府下教於

二年舉母寺部上野入草伊保五城合兵來攻藏人以三十人邀擊於伊田破之建寺鳴田名大樹寺以弔陣亡士藏人生九男曰親長乘元長親親房超譽親光長家長忠乘清而親長守岩津乘元守大給長親為嗣居安祥稱藏人除出雲守定西參河而東參河猶屬今川氏親氏親者駿河守護也承正三年氏親與其將北條長氏率大兵來攻八月攻岩津出雲守將五百騎赴救謂其騎日眾寡不敵如何眾請前決死出雲守曰汝等世盡忠我家而我未能厚報今亦為吾決死吾所深愧因以大桶貯酒泛杯數十自飲一杯鴻餘瀝桶中曰事急不暇觴各人交就飲之眾感奮夜渡矢矧河襲駿河軍宇津宮忠茂曰我必捷矣果捷之收軍西岸氏親長氏遁去戶田憲光以田原降出雲守問忠茂曰何以知捷曰世孫也後因其所居稱大久保氏出雲守生五男曰信忠親盛信定利長義春出雲守老信忠為嗣仍居安祥任左京亮左京亮不恤政變臣用事國內皆叛羣臣交諫弗聽因相聚謀廢立左京亮不覺之親戮一人左京亮生三男曰清康信孝康孝乃召羣臣曰我悔吾非而不可追也清康雖幼有器局宜以代我大永三年於大濱清康立仍居安祥小字次郎三郎幼聰達每見舊臣訪古今成敗戰鬪事憑膝將髮以為樂或問某何在聞其死且戰沒輒痛傷之嘗當食受調呼眾前之以其所御碗飲之酒眾不敢清康曰謂曰今日之酒吾輩頸血也時族松平親貞據岡崎及山中以掠

傍近大久保忠茂曰先拔山中則岡崎不攻而下乃夜襲取山中  
親貞輒降以岡崎為參河要地徙居之國人稱曰岡崎公遂徇下  
西參河豪傑五十餘姓欲賞忠茂問其所欲不答強而後答曰願  
賜城下市租岡崎公許之而疑其貪也忠茂盡召市人以君命除  
其市稅四方商旅聞之爭至岡崎終以是富實矣享祿二年吉田  
城主牧野傳藏欲起兵并西參河岡崎公將兵擊之出伊奈伊奈  
城主本多正忠迎降正忠之先助秀居豐後本多鄉子孫邑於  
尾張尋從參河舉族仕德川氏而正忠尤大岡崎公并其兵進縱  
火御油傳藏濟吉田川毀舟而戰我兵不利本多信重戰死佐野  
與八請退岡崎公不肯曰彼勝而驕可破也乃進戰與八死之叔  
父信定等力戰遂破之斬傳藏遂攻吉田田正忠攻破其東門遂陷  
之岡崎公入城撫士民遂攻下叛將戶田憲光平東參河而還會  
飲於伊奈正忠獻盤殺藉用葵三葉岡崎公視而說曰吾凱旋得  
此自今當以此為徽號初德川氏因宗族以中黑為號於是兼用  
三葵是歲出兵於尾張略織田氏地取品野以賜信定三年攻熊  
谷正長於宇理自攻北門信定以從子親次為先鋒攻南門死初  
我僕人岩瀨者殺岡崎公愛其勇有死逐之稱高力氏遂來降  
為內應我兵遂拔城賞祿岩瀨重長走保高力稱高力氏遂來降  
擊大破之岡崎公嘗夢有文在其握曰是覺而問眾眾莫知其解  
有僧橫外者曰是字日下人也日下以一人握之公將大興乎然  
日著甲斐國主武田信虎遣使通好美濃尾張諸城亦有其名

之九糾合義兵樹幟皇都得一雪累世之恥  
奮躍聽命十月勒兵萬人自將西上之路宜厲兵時糧以竣吾令眾  
從初信定負勢驕士落合某者因事抗之眾為危之公曰士者先  
公以來所愛養叔父傲之非也彼不屈撓可嘉信定銜之親次之  
死信定不救又為公所誚責深懷慙恚於是欲乘虛作亂將士請  
且止西伐公曰何足介意今大舉歸士氣沮敗納侮四鄰也遂欲  
進攻清洲國老安倍定吉從軍數以書勸信定有流言定吉與信  
定通謀定吉謂子彌七曰眾嫉我龍造作語言主公必察之即不  
察見誅慎勿以為怨宜俟時鳴冤十二月軍中馬逸眾大騷彌七  
奉命吉聞之將自殺松平信孝止之時出雲守村榮安自傍誅歸  
七命焉初岡崎公娶青木氏生廣忠乃立之以定吉無罪有使傳  
請命焉初岡崎公娶青木氏生廣忠乃立之以定吉無罪有使傳  
之織田信秀聞我內變舉兵來侵我見兵八百以定吉無罪有使傳  
迎戰伊田植村榮安先進高力重長及子長安戰死信秀戰敗請  
和而去信定有寵於出雲守遂圖自立定吉奉廣忠出奔伊勢信  
定遂立居上野自結於織田氏定吉密與弟正定及大久保忠茂  
子忠俊酒井廣親孫正親正親從子忠次石川清兼石川數正成  
瀨正義通謀請援於今川氏以納廣忠五年冬護入牟呂參河人  
多往歸之六年信定來攻忠俊從其軍射書城上期以四月迎  
之信定危疑宣言曰我初無害姪孫之意徒誅諸亂人而已乃引  
兵還數與將士誓忠俊三上誓書而密告岡崎畱守松平信孝信  
孝曰吾亦欲之未得聞耳念公等事不成死誰繼之者吾且全身

孝曰吾亦欲之未得聞耳念公等事不成死誰繼之者吾且全身

三

焉乃稱疾赴有馬五月忠俊等密迎廣忠入岡崎將士爭謁出雲  
守聞之喜曰吾恐駿河兵因以侵我故拒之耳兒我嫡曾孫也因  
命信定折節事之信定不得已來謁信孝亦歸廣忠任參河守忠  
後以下受賞忠次稱左衛門尉自父氏次稍積功勞於是娶參河  
守妹尤見親重七年信定卒眾心乃定吉稍積功勞於是娶參河  
婢有身出嫁井上氏井上氏實安倍氏盾也九年六月織田氏兵  
來攻松平長家於安祥參河守使松平安信等援之不利長家及  
松平康忠林政緣等皆死松平利長松平忠繼苦戰卻之十年參  
河守娶刈谷城主水野忠政女十一年歲次壬寅十二月二十六  
日生男於岡崎有奇質出雲守視之曰此兒必揚名於天下令酒  
井正親石川清兼舉之秋八月今川義元與織田信秀戰小豆阪  
因故事命幼字竹千代秋八月今川義元與織田信秀戰小豆阪  
日本外史十八德川氏一是歲秋織田氏復來侵乞援於今川氏  
今川氏遣僧大原以三萬人來救與戰於小豆阪互有勝敗冬復  
來侵內藤清原四裔編年表葡萄牙人始至豐後初傳造礮法日本  
長擊卻之西曆一千五百四十二年也葡萄牙教士始來多  
天文十一年西曆一千五百四十二年也葡萄牙教士始來多  
織島大船長二人一日牟羅叔舍一日幾利支丹日本後遂名  
天主教為幾利支丹教尋有意大利亞教僧至大友義鎮首奉天  
主教其法浸盛及織田氏時松永久秀高山友祥等亦奉之又云  
日本學者皆謂歐洲人之來日本以是為始荻原裕曰先是三百  
五十四年為後鳥羽帝文治四年有船至陸奧闖船一百五十人  
中有三偉人一精兵學星緯術數一善蕃樂一妙醫藥此乃歐人

此陸奧來船必為歐人云云余考景教之傳在唐貞觀年間當時  
為建大秦寺則羅馬教上來東已久此中三人有精星緯地理之  
學當時諸國無有此輩斷為歐人理或然也又是時始傳鳥鏡  
癸卯二十 天文十二年和漢年契閏三月大內義隆伐尼子晴久不

克日本外史十二毛利氏十二年正月義隆大舉攻富田元就以  
兵二千從與周防將秋山某夾川陣四月河水大漲城兵急攻  
秋山元就曰吾祖騎渡劫川況此一衣帶水乎亂流援擊走之七  
月義隆敗走元就整隊徐退南還是一役也吉川與經與北軍將十  
餘人叛晴久導周防兵已而復附之義隆以故敗。吉川氏出於  
駿河人吉川友兼友兼誅柁原景時子孫以功食安藝大朝後十  
二世為興經與經嬖大鹽其下皆怨殺大鹽廢興經議曰毛利  
右馬與先公婚其子皆先公外孫可養以為嗣乃請元就次子元  
春入新莊城奉以為主元春弟隆景亦出為小早川氏後。小早  
川氏之先出於伊豆人土肥實平實平仕源氏食安藝豐田後十  
六世曰正平正平子繁平幼失明其族黨議請養隆景妻以正平  
女居沼田城於是吉川小早川並為毛利氏羽翼人呼曰兩川元  
春稱治部少輔豪爽善用兵隆景稱左衛門佐美姿儀沈斷有謀  
慮皆類元就元就以元春未有伉儷使兒玉就忠密問其意所嚮  
元春曰吾欲得熊谷信直女就忠曰郎君得無謬聞其美乎彼女  
醜惡無匹君必悔之元春哂曰然吾素知其醜也抑古名將多以  
喜為吾出死力此間將卒孰出信直右者吾與之聯鋒以為家君

考十五後奈良



之先所向無不摧破耳就忠慙服告元就娶之信直果大喜毛利  
氏兵鋒益銳十七年元就攜隆元元春隆景赴山口義隆養內藤  
興盛女妻於隆元使陶四裔編年表葡人再至乞通商

甲二十 隆房與元春約為兄弟 日本外史十後北條氏十三年今川氏親使  
辰三 天文十三年 使與憲政約發兵臨伊勢氏境上圍長窪城

氏康親將且援之會使者至自河越曰兩上杉氏連和合兵將來  
圍焉氏康還赴河越不見敵乃聚諸將議曰河越當兩上杉之衝  
是必爭之地也以一勇將守焉吾可以致敵而大克之眾推北條  
綱成綱成本福島氏世為今川氏將守遠江土方城父正成為武  
田氏所殺綱成猶幼出奔相模氏綱愛之賜北條氏及其偏諱常  
為軍鋒其旗黃色書入幡二字為號其戰也每馳突敵陣連呼勝  
矣所嚮無不勝當是時黃八旗之名聞八州於是  
氏康授之三千騎令守河越而還長窪圍亦解

明史日本傳二十三年七月復來貢朱及期且無表文部臣謂不

當納卻之其人利互市畱海濱不去巡按御史高節請治沿海文

武將吏罪嚴禁奸豪交通得旨允行而內地諸奸利其交易多為

之囊橐終不能盡絕

壽海圖編嘉靖二十三年上杉朝定合兵攻伊勢氏憲政憲寬子朝定

乙二十 天文十四年 日本外史九足利氏十四年上杉憲政與

朝興子也於是憲政朝定並遣使乞援於晴氏晴氏遲疑其臣交  
勸往乃往與兩上杉氏俱圍河越踰歲伊勢氏康大破兩上杉氏  
軍晴氏逃和漢年契義晴辭職日本國志義晴見迫於細川之臣  
歸古河 一方以家臣秋主據地者如齋藤秀龍之於土岐定朝陶晴賢之  
出奔時北條氏綱等與為後北條氏武田上杉毛利三氏亦據  
於大內義隆津久見美作之於大友義鑑三

丙二十 天文十五年 日本外史十後北條氏十四年兩上杉氏大

數重意期必取綱成固守不下上杉氏使使古河請晴氏來助氏  
康又以為請晴氏欲其兩解依移答之上杉氏臣難波田某小野  
某往說晴氏曰公以北條可親乎曰然伊豆相摸遂及武藏下總邊傍  
日然曰早雲氏綱擅與甲兵掠取伊豆相摸遂及武藏下總邊傍  
使公困蹙至此其志不至盡取關東已為公方則不己也彼今日  
亡上杉明也必及古河今之尊公者乃挾以營其私焉耳且北條  
之親於君也新也上杉之仕於君也舊也去舊就新君何惑焉今  
河越城當陷不陷所患關東將士觀望兩端其心不一耳君苟進  
大旆辱臨軍陣則眾知所鄉背戮力決前必舉河越河越舉則乘  
勢席卷拔小田原滅北條氏復君於鎌倉而駢首仕之如往昔矣

考十五後添原

願公熟計之晴氏曰善乃盡其土眾至河越上杉氏大喜號令諸將攻擊越歲四絕其饜道氏康聞之曰吾必赴援獨恐城兵之不

將我而決死也誰能往告我計者綱成弟辨干代年甫十八從在

氏康左右進請曰此事至要臣請往焉即為敵所捕考掠百端至

死無言矣女母遠出決死也辨干代乃往善為吾守吾克兩上杉不

數月矣女母遠出決死也辨干代乃往善為吾守吾克兩上杉不

是時氏康兵四守疆上諸城在者裁八千餘人乃自將赴援憲政

朝定并晴氏兵凡八萬騎氏康計驕而襲之也伴請和解憲政

不聽氏康出至入間河南上杉氏兵來迎氏康不戰而走入小田

原問謀者曰敵中云何對曰敵皆笑曰豎子走矣居五六日又出

至河南敵來又走又問謀者曰敵曰豎子走矣居五六日又出

耳莫復顧也氏康曰可矣夜勒兵親誓之曰吾聞戰道眾不必勝

寡與上杉氏戰以我一人當敵十人以寡敵眾何必始於今日哉

勝敗之決在此一戰汝將士其一心協力唯吾所嚮是視令其兵

皆尚白布於鎧上約之曰遇不白者輒斫勿取其首令畢乃引兵

渡河夜半直衝上杉氏軍軍大驚擾亂我兵縱橫奮擊莫不一當

百殺傷二萬餘人虜朝定走晴氏憲政八州豪傑即夜降氏康者

九十餘姓時十五年四月二十日也是夜難波田小野皆死本間

某單騎止戰本開軀幹魁偉累九鎧於竿以為背旗曰吾皆死本間

主之闇也與我將大導寺某鬪授之九鎧曰吾毋復用此也子用

為標好仕北條公乃死犬導寺自是以九鎧為記職云天明上杉

氏麾下諸將聞氏康兵寡則大悔憤欲乘其疲再戰返至河越則

見氏康賀戰捷氏康慰勞之論功行賞據細柳原

諸國皆爭通好焉於是憲政獨有上四裔編年表足利義輝任將

野龍管野上原不衰將士益離心

軍日木外史九足利氏下十五年義晴欲冠其子時京畿騷擾不

之軍職六角高賴

為假管領賓之

日本國志是年英吉利人始附荷蘭舶來

籌海圖編嘉靖二十五年寇寧台諸郡官民靡舍焚毀至數千區

丁未二十六年和漢年契春二月大內義隆聘於明晴元率

兵入京移居白河城日本國志十六年義隆復遣周良往中國舟

四人六百泊海外以待事聞朝旨敕守臣勒回

相貢舟大小以施禁令初大內氏獨有勘合迨義隆死亡於兵

燹通商遂絕然伊豫能島來島因島諸奸民久狃互市之利私航

不絕漢奸多為之導虜劫放火千百成羣攻陷州縣江南北浙東

西所在騷擾嘗同時告警別有侵山東犯日照各縣者海寇巨魁

汪直毛海峯陳東等皆與潛結勢益張寇皆習倭服飾旗號船幟題八幡大菩薩五字八幡者應神帝號也人呼曰八幡船

明史日本傳二十六年六月巡按御史楊九澤言浙江寧紹台溫皆濱海界連福建福興漳泉諸郡有倭患雖設衛所城池及巡海副使備倭都指揮但海寇出沒無常兩地官弁不能通攝制禦爲難請如往例特遣巡視重臣盡統海濱諸郡庶事權歸一威令易行廷議稱善乃命副都御史朱紘巡撫浙江兼制福興漳泉建寧五府軍事未幾其王義晴遣使周良等先期來貢用舟四人六百泊於海外以待明年貢期守臣沮之則以風爲解十一月事聞帝以先期非制且人船越額敕守臣勒回十二月倭賊犯甯台二郡大肆殺掠二郡將吏並獲罪

籌海圖編二州六縣四貢賊臣隔一舩船諭列沮難債潮朔曦欽而後納之

案圖編入寇在二十五年入貢在二十六年史併在一年互異

戊二十七年天文十七年和漢年契義輝歸京

明史日本傳明年六月周良復求貢紘以聞禮部言日本貢期及舟與人數雖違制第表辭恭順去貢期亦不遠若概加拒絕則航海之勞可憫若稍務含容則宗設素卿之事可鑑宜敕紘循十八年例起送五十人餘畱嘉賓館量加犒賞諭令歸國若互市防守事宜在紘善處之報可紘力言五十人過少乃令百人赴都部議但賞百人餘罷勿賞良訴貢舟高大勢須五百人中國商舶入海往往藏匿島中爲寇故增一舟防寇非敢違制部議量增其賞且謂百人之制彼國勢難遵行宜相其貢舟大小以施禁令從之日

本故有孝武兩朝勘合幾二百道使臣前此入貢請易新者而令繳其舊至是良持弘治勘合十五道言其餘爲素卿子所竊捕之不獲正德勘合畱十五道爲信而以四十道來還部議令異時悉繳舊乃許易新亦報可當是時日本王雖入貢其各島諸倭歲常侵掠濱海奸民又往往伺之紈乃嚴爲申禁獲交通者不俟命輒以便宜斬之由是浙閩大姓素爲倭內主者失利而怨紈又數騰疏於朝顯言大姓通倭狀以故閩浙人皆惡之而閩尤甚巡按御史周亮聞產也上疏詆紈請改巡撫爲巡視以殺其權其黨在朝者左右之竟如其請又奪紈官羅織其擅殺罪紈自殺自是不置巡撫者四年海禁復弛亂益滋甚祖制浙江設市舶提舉司以中官主之駐寧波海舶至則平其直制馭之權在上及世宗盡撤天

下鎮守中官并撤市舶而濱海奸人遂操其利初市舶備往之職屬通番之禁遂移之貴官家負其直者愈甚利初市舶備往之職

之或又以好言給之謂我終不負若直倭喪其貲不得返已大恨而大奸若汪直徐海陳東麻葉輩素窟其中以內地不得逞悉逸海島爲主謀倭聽指揮誘之入寇海中巨盜遂襲倭服飾旂號並分艘掠內地無不利故倭患日劇於是廷議復設巡撫

籌海圖編嘉靖二十七年時海壖多警軍無紀律浙福二省互相牴牾賊得肆志議者請設巡視都御史節制之上命朱紈行紈至卽行二省守巡諸官各分信地或戰或守皆有專責而以福建都指揮盧鏜諳海上事卽以委之鏜乃與海道副使魏一恭備倭指

揮劉恩至張四維張漢等部署兵船集港口挑之賊初堅壁不動迨夜風雨昏黑海霧迷目賊乃逸巢而出官兵奮勇夾攻大勝之俘斬溺死者數百人賊酋許大姚大總與大窩主顧良玉祝良貴



劉奇十四等皆就擒鏗入港燬賊所建天妃宮及營房戰艦賊巢自此蕩平餘黨遁往福建之浯嶼鏗等復大敗之翌日賊船有泊南鹿山女兒礁洞門青巖者知巢窟已破無所歸去之下八山潛泊五月朱紈初欲於雙嶼立營戍守爲一勞永逸之計而平時以海爲生之徒邪議蜂起搖惑人心沮喪士氣福兵亦稱不便紈歎曰濟大事以人心爲本論地利以人和爲先不得已從眾議聚木石築塞港口由是賊舟不得復入而二十年盜賊淵藪之區至是始空矣六月二十日金鄉衛指揮吳川追攻於近山海洋賊船爲我師所迫又遇暗礁舟覆所遺纜二人許棟與其弟社武也官兵擒之汪直徐惟學毛烈收其餘黨復肆猖獗廣東賊首陳恩盼自爲一艖與直弗協直用計掩殺之由是海上之寇非受直節制者不得自存而直之名始震粵海自矣直以殺爲功即調獻捷表通互市官言非許先是賊首許一純番船聚浙江之雙嶼港大爲福興諸府沿海患上命都御史朱紈勦之三月紈以都司盧鏗帥福清兵船泊温州之海門把總俞亨統燕山兵船協助之以備福寧之北境海道副使柯喬統福清兵船泊漳州專備海戰以遏南逸入廣之路副使翁學淵駐福寧州僉事余曠駐泉州備倭黎秀駐金門所把總孫敖駐流江各分信地水陸截捕仍嚴保甲搜羅接濟奸人四月鏗分兵與賊戰於九山大洋百戶張睦衝其前指揮張漢等繼之大敗賊眾俘斬稽天新四郎等五十五名賴溺死者無算六月賊攻沙頭奧及衝大擔外嶼者再柯喬禦之嚴賊乃遁去賊首許二流劫北茭羅浮同知張魯把總王麟指揮閔溶張文旻千戶王灝王鑾禦之七月許三與倭合艖以拒官兵麟等率兵鏖戰自寅至午擒斬八十有奇賊錯愕投水死者千數餘乘潮

遁去

己酉八 天文十八年 和漢年契長慶率兵入京 日本外史九足利

晴元在京師玉井某擁故細川高國義子氏綱遊佐長教擁故島山植長弟政國並起於攝津河內與大阪僧徒連兵北鄉晴元遣三好宗三等拒戰不克乃召三好長慶時年十九掌細川持隆兵有勇名以父故怨晴元不輒應命其弟之虎諫之乃航海至兵庫入越水城宗三迎之合兵擊氏綱政國迭有勝敗宗三嘗讒殺元長至是又讒長慶長慶怨之十八年長慶與游佐長教連和以攻宗三於一藏城宗三乞援於晴元晴元發京師入榎南城六角定賴與晴元有姻出兵助之長慶曰吾以義榮為將軍氏綱為管領何患之有義榮者義維子也六月長慶與其弟信秀卒日本十河一存攻榎南宗三走死江口晴元走阪下其勢於我邦也其來遠矣在昔王家郡縣七道治以守介田以口分四徵租調而朝之職位皆有田有食封有功田其食封多者不過三千戶功田四等世襲之者不止於大功當是時未有封建之勢也自相門世權所在封戶日多不輸之地不課之民半於天下後三條帝欲矯其弊而司終不赴任是以後各國莊園居民其十之九守介所治塵一焉甚則源氏起國司置守護莊園置地方豪族武人以自代所謂至日代之類者甚時六十州而封建之勢始矣北條氏因其遺制守

田足利諸族充諸國守護概以一姓連二三州雖名為守護其實封建之也乃足利氏叛奪其成績而與之其子弟功臣仍稱守護而世襲之土地兵馬儼然諸侯而封建之勢成矣足利氏初務以衰其權臣構難京師而所諸侯羣起而并之黨援又互相吞滅益成強大而最後織田氏以其陪臣崛起而并之部下皆一時英豪其功臣代之未成而踏而豐臣氏以其志在於盡鋤天下故國而州而難不加殺削是以得速致於混一而沒而未幾海內分崩由是觀之封建之勢始於源氏而成於足利氏足利氏未嘗內分崩由是勝其弊織田豐臣承其弊而不知裁之術蓋皆有待於我德而氏也夫有外諸侯承其弊而不知裁之術蓋皆有待於我德而氏親戴衛護其內而折衝禦侮其外否則功臣亦與諸侯等耳無以親戴衛護其內而折衝禦侮其外否則功臣亦與諸侯等耳無而不知斷長補短使勢之略敵又不知大封宗族據其扼塞犬牙相制以鎮壓其邪心是豐臣氏所以絕嗣也織田氏唯難於取之故重其不能收天下英雄之心一耳故曰二氏承封建之弊而不難異其不能收天下英雄之心一耳故曰二氏承封建之弊而不其內外輕重之際至我德川氏鑒二氏之失而乘其衷矯之以漸權縣焉唐柳宗元論封建曰勢也余曰封建之勢也制勢也今日以爲何如哉

蓋德川氏之致太平雖由參遠勤舊之力而新附將帥之功與焉  
今之外藩列國成邦於足利氏以前者如島津佐竹伊達上杉毛  
利鏑島是已其餘皆由二氏興家者雖慶長庚子以後定賜封土  
與之更始而猶彼漢侯王之於陳項唐將相之於周隋不原其前  
代其建置本未不可得而原也余故先敘二氏而論其勢之所從  
來如此○織田氏出於平重盛重盛次子曰資盛元歷中平氏與  
源氏戰於西海大敗舉族死亡資盛有孤兒其母懷之匿於近江  
津田鄉鄉長稅其母色納之兒從育其家會越前織田莊祝人數  
入京師每過鄉長宿焉嘗謂之曰吾老無子願得公一子養之鄉  
長乃與以平氏孤兒終冒織田氏名親稱權大夫子孫世為鄉  
祝人及足利氏定天下越前尾張為斯波氏管國斯波氏重嘗出  
遊見織田祝人之子美之載歸以爲近臣義重有大吏六人其一  
人有罪放流乃以織田氏代之於是織田氏終為斯波氏重臣徒  
於尾張自親真而後十五世曰敏敏定敏之子義長而自輔之居清洲  
廉爭立敏定居間講和請義敏養義廉子義長而自輔之居清洲  
倉城領上四郡敏定生敏信敏信生常祐祐相繼居清洲敏定居  
信定稱彈正忠信定子曰信秀稱備後守信秀以支庶降居勝幡  
城與族二人並為宗家吏分治四郡信秀嗜武喜士多歸之時  
齋藤氏在美濃今川氏在駿河與織田氏日相攻擊信秀徙居  
渡城天文十一年八月信秀從常祐攻齋藤秀龍於稻葉山縱火  
戰眾寡不較日暮將退敵兵尾擊甚急信秀弟信先與死士六人  
返戰卻之十六年九月信秀從常祐攻齋藤秀龍於稻葉山縱火

諸東遊美濃仕土岐賴藝將長井某遂殺長井直仕賴藝終為其  
重臣稱山城守削髮更名道三後逐賴藝十七年賴藝來奔信秀  
善遇之因招美濃將士將士多從者八月信秀往討秀龍縱火多  
藝口秀龍請和信秀以比年兵興上下疲弊遂許之秀龍乃復賴  
藝以女妻信秀子信長是年信秀徙末盛城二十年三月信秀患  
卒疫  
庚二十九年和漢年契義晴卒日本外史九足利氏下十  
戊九 天文十九年 義晴卒 日本外史九足利氏下十  
來襲也城於如意岳以奉義晴義晴病薨於穴太山中義晴官至  
權大納言右近衛大將從三位晴元定賴奉義輝徙寶泉寺十一  
月長慶入京師陣阿彌陀峰分兵屯三井寺縱火大津義輝  
又徙朽木晴元陣志賀二十年正月晴元迎擊長慶兵大敗

籌海圖編嘉靖二十九年倭犯昌國衛

辛亥 天文二十年 日本外史十一武田氏上杉氏天文十一年一  
叛為景為景自往擊之至旃檀野賊將江波某伴降設筭於路迎  
為景陷而殺之為景有四男長晴景次景康次景房季曰景虎景  
虎幼字虎千代為繼妻出甫八歲精悍有膽略為景不愛也逐之  
橡尾欲以爲僧景虎不肯學僧事及爲景死諸將多屬意景虎而  
大臣胎田常陸者自爲景時有權寵利晴景庸暗與二子黑田秀  
忠金津某及三條城主長尾俊景謀立晴景殺景康等景房出走

考十五後餘良

追殺之貳城門中景虎時年十三亦走門者為匿之簣牀下逮夜  
發而出之則熟眠矣喚起潛出入春日山寺僧挈之逃橡尾匿  
乳母夫本莊慶秀家慶秀與宇佐美定行盡心保護定行者上杉  
氏世將好讀書通天文兵法謂景虎可輔也深相結託既而景虎  
穿鞋而出上米山瞰視府內曰吾它日起兵復國必陣於此遂至  
諸國周視山川城池形勢圖寫齋歸有告賊以景虎所在遣甲來  
捕景虎與慶秀秀定行謀起兵修椽尾城據之聽命於上杉定實  
三年春俊景秀忠將兵來攻景虎防戰大破之賊數來攻景虎  
四年遣神餘昌綱赴京師請討賊詔旨十五年賊數來攻景虎  
戰輒勝十六年晴景遺族政景大舉來攻定行欲出戰景虎上城  
望之曰敵遠來無輜重非久雷者埃其將引去擊之可也夜半政  
景果卻景虎以三千騎開門出戰於下濱走之及米山景虎按兵  
止敵過嶺鼓眾追擊又大破之定行謂諸將曰諸君知主公按兵  
不能支乎曰不知也曰敵迫險急之則返擊聽其過嶺乘高下擊敵  
晴景窮蹙自殺十八年國人請景虎入府內胎田等猶據三條不  
下十九年景虎攻三條拔之誅胎田賊以餘兵保新山黑龍二城  
欲遂攻之會上年杉定實卒不果二十年遣將高梨貞賴攻拔新山  
拔黑龍誅秀忠津越後盡定行和漢年契秋八月陶晴賢弒其主大內  
義隆日本外史十二毛利氏義隆性文弱山口多廷臣避亂者而  
持長視其有不臣之志藥殺之更養妹婿問田某子是為隆房隆  
杉重政青景隆時內藤興盛謀殺武任武任怖而遁逃冷泉隆豐  
勸義隆速誅隆房不聽隆房伴乞骸骨歸其邑若山日謀反逆家  
臣深野康澄宮川房勝引持長遺屬大諫弗聽二臣交刺死二十  
年八月隆房遂反攻山日義隆走法泉寺其兵皆潰前關自藤原  
尹房為講和隆房不肯義隆航赴筑紫阻風還入大盛寺城兵來  
圍九月義隆自殺隆房更名晴賢削髮號全美迎豐後國主大友義  
餘人皆為所殺隆房重政隆時如武任勸吾行大事乃發兵誅二人  
鎮弟義長為主曰重政隆時如武任勸吾行大事乃發兵誅二人  
初晴賢之圖難使人來說元就黨已啗以佐東郡元就卻之義隆  
臨終遺書屬元就曰吾不幸為賊臣所弒吞恨入地非卿誰能復  
我仇元就覽書流涕曰吾受大貳恩眷雖無所屬猶欲為復仇況  
有是乎諸將曰彼凶殘方熾未可與爭衡宜  
冬十月北條氏康陷  
平井城憲政出奔越後日本外史十後北條氏二十年氏康率八  
出奔越後依長尾輝虎其老臣藤田小幡三川成田等六人以憲  
政子龍稱來降氏康命神尾某誅龍稱燒夷平井城兩上杉氏於  
是皆亡而東國四裔編年表始傳猶太教  
盡歸於伊勢氏

江南經略嘉靖三十年二月賊分掠江陰縣境三月賊攻縣城知

考十五後奈良

卷



縣錢錞出禦於石幢身被一矢又遇之華墅斬賊首九級賊懼乃合常熟賊一千五百餘人攻圍縣之東門屠戮甚慘填壕直逼城下錞欲出兵禦之兵備王副使持議堅壁固守錞怒取印印衣獨率民兵出城死鬪殺賊頗眾馬入於淖賊伏起刺之中十餘槍而死賊亦懼而遁七月賊圍縣治主簿曹廷慧禦卻之倭寇至縣令避居學宮城守者多竄廷慧登城射賊眼命左左中命右右中賊驚遁去翌日賊障牛皮鑿地廷慧析薪火之賊稍退被圍四十日生員薛亶詣撫按告急偕善泗者二人晝夜潛行七日始達會樊參將帥兵千餘來援廷慧為內應聲援既接賊遂駭散八月賊掠縣境官兵擊敗之

王三十一 天文二十一年日本外史九足利氏下二十一年六角定于公越在畿外數年公武多矣不亟講和恐天下有議公者也長慶

晴元削髮奔丹波二月義輝攜信良歸京師長慶入謁於相國寺立氏綱為管領置信良於越水城其實質之也於是三好氏代細川氏領京畿諸政畱家臣松永久秀護幕府而引兵南歸阿波久秀西岡賈人以慧黠為長慶所親任先是伊勢氏康攻上杉憲政終滅先是肩谷上杉氏亦為氏康所滅憲政奔越後依長尾景虎盡以其姓氏官號授之景虎為景子也長尾氏於是冒上杉氏因管領關東晴氏請和於氏康立伊勢氏所生子義氏和漢年契秋而自老氏康置義氏於鎌倉後請京師任為左馬頭

八月三好義賢弑其主細川持隆日本外史九足利氏下二十二

奪其妻實休 晴久出奔 即之虎也

明史日本傳三十一年七月以僉都御史王忬任之而勢已不可撲滅先是沿海要地建衛所設戰船董以都司巡視副使等官控制周密迨承平久船敝伍虛及遇警乃募漁船以資哨守兵非素練船非專業見寇舶至輒望風逃匿而上又無統率御之以故賊帆所指無不殘破

籌海圖編嘉靖三十一年汪直既破陳思盼求市不得乃引倭夷突入定海關官兵卻之遂移泊金塘之烈港亡命之徒日益附之由是海邊郡邑無處無賊矣四月賊攻奉化縣義士汪較死之較奉化人力挽強弩尤工矢藥及刃精習有司上於軍門賜以義士關防屢立戰功賊入應家棚率民兵力戰射斃十餘人賊創艾遁去較亦被傷而死賊陷遊仙寨百戶秦彪戰死彪爵谿所人以父廕授百戶素有膂力賊登赤坎攻遊仙寨甚急彪曰遊仙與爵谿脣齒無遊仙是無爵谿也先人遺我汗馬勳不死戰而死法何以見先人於地下乎乃與弟漢疾馳赴鬪力不能支遂俱死焉五月攻瑞安縣自江口登犯嶺門岐頭等處入坡南匯至瞭高山下百戶李潮高良與戰死之遂乘勝攻縣城把總夏光知縣劉畿率官兵擊卻之賊乃退泊東山港賊犯台剽劫廉定海諸縣知縣傅死之陷黃巖縣福清賊首鄧文俊等率倭剽定海諸縣知縣姚燬縣治居七日而出時縣無城而賊乘潮猝至故陷遂流劫餘姚山陰等處殺掠居民甚眾六月二十日賊以破黃巖得利復攻霽霽所城二十一日夜半乘雷雨先以草人用竹揭試遂入城指揮樊懋急督兵力戰死之時守禦指揮魏英督兵夜戰至天明賊從北門而出十一月十二日參將湯克寬統兵追黃華之賊與戰於下馬海洋越三日復戰遂擒鄧文俊以歸

江南經略是年七月倭船至太倉州七鴉港時海上報倭船一在吳淞所一在七鴉港一在崇明沙人不滿百饑且困在七鴉者爲居民楊氏所執凡十餘人崇明縣倭船飄至崇明沙饑且困剽掠海濱有巡檢給之曰棄爾兵則與爾船賊投刀海中擒獲二十餘人自言船主龔十八與倭通販飄入朝鮮界朝鮮人襲之死戰脫

風便七日至此本非為寇已而知官兵易走乃有輕中國之意嘉定縣賊寇吳淞所百戶馮舉宗元爵等禦戰死之賊據楊氏宅洞牆屋四望徐候船南走官兵追之賊匿葦荻中免越數日乃去

癸丑二十天交二十二年和漢年契夏五月武田晴信殺小笠原長

時屠信濃日本外史十一武田氏上杉氏妖十一年三月義清長

四人合從議必不一可一戰而破也乃伴浚溝高壘四人以為怯

破之自是連年相攻晴信每勝晴信舉山本勘助勘助三河人眇

目疾躄嘗學兵於尾形某以干今川氏駿河舊臣皆侮易之義元

不奇也勘助寄食數年板垣信形聞其名薦之晴信晴信召見與

語大悅之即日與二百貫邑賜名晴行十一月晴信以晴行計取

信濃九城十三年以信形計誘殺諏訪賴茂而納其女為妻明年

生男勝賴稱四郎晴信有長男義信以為嫡嗣使勝賴承賴茂後

十四年五月與小笠原長時及伊奈氏戰於鹽尻嶺破之十五年

三月攻戶石城村上義清將兵六于來援我先鋒甘利備前橫田

備中等皆敗死我軍將潰晴行說曰敵鋒不可遏使之右顧則克

晴信曰我兵且不從令曷能使敵如我意晴行請假後隊兵左旋

而義清軍右顧晴信軍氣復振進擊破之晴行以功食八百貫

九月擊破上杉氏軍真田幸隆及子昌幸皆有功晴信又用幸隆

計誘殺村上義清精兵五百十六年八月晴信取志賀城義清出

軍上田原板垣信形將前軍戰勝不備義清窺其怠悉甲襲殺之

晴信赴援義清死士突入其麾下與接刃墜馬終大敗十八年

八月晴信略地上野又與小笠原長時戰於諏訪原走之十九年

三月復略上野聞長時復出而還時今川義元與相模國主北條

氏康婚為世康來請晴信曰氏康與上杉氏戰將取上野願君勿

先焉晴信乃與氏康義元連和是歲晴信削髮稱信玄信玄引鏡

自視曰吾貌類不動佛乃使畫史為己像執劍及索曰我死四鄰

襲入視吾像不敢加無禮也信玄連攻村上義清及攻高梨須田

島津氏二十二年盡略河中島四郡地義清等不能支相共計以

杉謙信乃往投之秋七月三好長慶虜細川晴元於芥川將軍

義輝奔丹州復與三好和入京日本外史九足利氏下義輝苦三

臣入禁三好氏第宅長慶聞之大怒八月長慶率兵二萬入京師

將攻義輝堀川第義輝晴元復奔近江長慶移軍攻丹波陷諸城

又攻播磨弘治元年播磨皆降

明史日本傳三十二年三月汪直句諸倭大舉入寇連艦數百蔽

海而至浙東西江南北濱海數千里同時告警破昌國衛四月犯

太倉破上海縣掠江陰攻乍浦八月劫金山衛犯崇明及常熟嘉定

籌海圖編嘉靖三十二年正月賊入福山港常熟知縣王鈇帥官兵擊走之閏二月賊首汪直犯嘉定賊自烈港之敗以百餘人自白馬廟而來收集餘黨流突蘇松掠嘉定之寶山鎮撫陳憲疑爲鹽盜率輕兵追之後知爲直不敢襲賊至寶山洋都指揮王世科同知任環合兵勦之百戶張治力戰死賊破南匯所自望日而後賊破城者再賊至劉家河揚帆而西守備解明道與六合知縣董邦政率兵迎擊之追及於吳淞江口值綵綯港復有新賊至者與之合蹤勢益猖獗官兵莫敢進操江都御史蔡克廉遣同知任環往助之賊遂敗走俘斬百餘人賊首鄧文俊林碧川沈南山分掠蘇松諸郡縣四月賊首蕭顯自浙西來巢柘林入劉家河城大倉勢甚急直逼城下者御史蔡克廉在君閭警星馳赴州入城大倉圍城凡十七日燒東南西三門及倉中積粟蔡公躬乘城督戰賊乃去而城外居民焚掠幾盡倭犯崇明之南沙耆民施珽禦戰死之五月賊破吳淞所入據之賊旣破城遂據爲巢守備解明道襲破之斬賊首百餘級賊酋三大王六大王死焉遂復所城賊遁出海復爲州判金汝舟千戶楊循禮所敗擒斬八十有奇賊犯嘉定縣知縣萬思謙擊敗之犯華亭縣犯蘇州府賊首蕭顯入上海縣顯自浙西流突直徑過金山至天妃宮浙江領杭兵指揮黎鵬舉與鎮撫胡賢禦之鵬舉被創賢死焉賊遂衝縣市焚治所指揮武尙文縣丞宗鰲戰死自是而後浦東沿海二百餘里開新舊之賊往來絡繹無虛日矣六月官兵追擊賊首蕭顯大敗之賊陷上海縣而南鎮江衛知事吳宗德追之賊驚潰爭舟溺死者不可勝計



守備解明道同知任環伏兵吳淞江口擊之追至寶山洋賊遂大敗賊破南匯所七月賊攻南沙賊首蕭顯與孫二等爲官兵追擊不得歸率五百餘人登南沙據爲巢南沙積粟素多悉爲賊有同知陳璋敗之於獨山斬首千餘餘眾浮海東遁十一月參將湯克寬敗賊於高家觜賊由華亭縣滬缺登岸流劫至木涇金山衛移舟泊寶山克寬引舟師迎擊至高家觜毀其舟斬首七十三級生擒十四人官兵進剿南沙之賊敗之遁往黃窪

籌海圖編是年閏三月浙江官兵追搗烈港賊巢汪直敗走烈港地形曲折賊負固盤據卒難進剿都御史王忬躬至温州閱圖審形謂兵船雖多難以直騁乃令參將俞大猷湯克寬分爲二哨部署既定大猷由列表門進以當其前克寬由西後門進以防其逸

謂賊一出則一哨可以追剿不動亦可全制也

移營本寨距賊巢止隔一山分遣把總張四維屯龍山黎秀屯霸靄遙爲聲援夜四鼓侯得等縱火賊營煙燄蔽天官兵乘之賊驚奔爭舟死者無算乃大敗走直率精銳潰圍而去泊馬蹟潭軍門以大猷并兵獨進雖破賊巢而違我節制使賊得逸深責之四月初四日賊自太倉上海而來攻海鹽縣城三日始解去城外居民悉爲煨燼矣初六日賊至海寧衛把總馬呈圖督官兵禦之弗勝遂與指揮采煉百戶王相姜楫呂鳳姚岑皆沒於行陣既而把總王應鳳率兵追逐之與戰於海口巡司大勝之賊以伏兵衝我師我師遂潰千戶王繼隆百戶楊臣康綬亦死焉初九日犯平湖官兵追之連戰皆敗蔡指揮等死焉都御史王忬命湯克寬往剿之及於鼈子門大破之俘斬二百六十有奇賊薄省城指揮吳懋宣

率僧兵禦之力戰而死賊攻松門衛把總劉恩至追擊賊於舟山  
涇港大敗之賊初至勢甚猖獗攻衛城弗克而去蓋依汪直爲窩  
者也賊犯松陽縣知縣羅拱辰禦卻之賊浮海俞大猷以舟師邀  
擊斬首六十九級陷昌國衛百戶陳表死之賊犯定海官兵擊敗  
之賊皆雞鳴山人沿海爲患十二日都司劉恩至破之於蘆花港  
口十四日湯克寬等兵船進搗賊巢大敗之因礮聲驚起蟄龍官  
兵覆溺者甚眾直遂走直隸地方俞大猷又追敗之所存者僅百  
餘人陷臨山衛二十四日俞大猷與都指揮劉恩至俘斬賊三百  
有奇五月賊攻海寧衛破乍浦所賊自金山而來城破百戶陳綬  
死之指揮陳善道從湯克寬率兵來援與賊戰於長沙灣與冠帶  
總旗張儒死之賊犯長沙灣湯克寬擊賊於葉謝港敗之副使李  
文進劉恩兵於大猷擊破於灌龍洋敗於浦城敗於漸州斬赫爾  
林二百里之地皆爲賊巢矣雖克寬勝於葉謝港文進等勝於蓮  
花洋俘斬甚多而賊猶不知戒云七月賊攻台州寧海縣初四日  
攻城七日而解八月都指揮劉恩至等迎擊直隸遁賊於普陀山  
洋連戰大敗之先是賊首蕭顯屯直隸之崇明南沙修船爲遁歸  
計都御史王忬計其勢必流入浙境預令都指揮劉恩至指揮張  
四維百戶鄧城等分爲二哨一自觀海臨山趨乍浦遏賊來路一  
自長途沈家門設伏邀擊賊果南遁官兵與遇於普陀洛伽山臨  
江海洋連戰皆勝之零賊敗登普陀依險爲巢掘塹自衛參將俞  
大猷督官兵進攻之二十二日夜自石牛港進張疑整眾而不交  
戰潛遣奇兵由西北巡檢舉直入百戶鄧城武舉火斌黎俊民陷  
陣先登賊遂敗走茶山絕頂翌日鄧城由東北淺步沙進火斌由

鸚鵡巖進黎俊民由中路進劉恩至等統大兵居其後四面齊進  
俘賊無遺九月都指揮盧鏜敗賊於乍浦十二月賊攻滬海所千  
戶張應奎百戶王守正張永死之

江南經略常熟縣是年正月十六日賊船六隻從東海而來入福  
山港登岸劫殺至殿山橋而還十七日復自吳橋至劉菩薩堂焚  
劫煙燄不絕十八日知縣王鈇先遣耆民徐泰等潛師劫營十九  
日親率主簿李宗昭家丁兵勇與賊戰於尙墅賊大敗走宗昭家  
丁李安戰歿於陣主簿馬希鸞復邀賊於中途擊敗之適長洲縣  
縣丞林錡承府檄率兵來援分道追逐二十一日賊棄二舟遁上  
海縣是年南匯被圍官兵望風披靡奔竄幾盡有軍士李府者率  
其仲子香及族丁三十人力戰斬首四十餘級賊退十里吾軍稍  
安乘勝追逐有賊酋長丈許聲若雷守之賊不之能遁斬其賊  
賊相誦過焉翌日復戰又斬其先鋒二人賊退走府通斬其賊

伏賊蝟起萬矢齊發父子身無完膚俱歿於陣次年四月賊再犯  
香弟黍爲哨官年方舞象仰天祝曰爲君父報不戴之仇在此舉  
出戰獲三級以獻至夜賊潛布雲梯魚貫而上一賊將登陴黍覺  
拔劍斬之視賊且蜂集黍急推城堦傾賊墮而死者數人城賴以  
全明日大戰殺賊無算賊聞其名呼曰誰是李三郎黍挺身響應  
與賊鬪益力卒爲賊礮所斃嘉定縣前歲倭舶之入以爲失風非  
來寇也稍縱之得志而去至是乃復來金山備倭都指揮王世科  
蘇州府同知任環合兵勦賊選士卒數百人分爲五隊即日渡江  
命吳淞所百戶張治率甲士五十人爲前鋒治持戈躍馬奮不顧  
身與賊遇於寶山之麓劇戰賊魁胡藥師最驍勇身被重甲數創  
不能入以鐵戈擊其首乃斃殺賊眾十有三人治力倦下馬搏戰

被賊橫刺而死眾見治死遂潰走環獨不走賊奮而前有一敢死  
士徐珮以身捍環乃得免明日環復出挑戰賊不敢出相持數日  
思以計困之賊夜半從海岸遁去環覺之率師追擊不及而還崇  
明縣是年十二月副總兵湯克寬奉命討賊賊首蕭顯偵知之招  
集各沙新賊以待克寬帥邵兵渡海時府同知任環將沙耆民於  
海濱謂克寬爲前總兵慶子家世將兵必善射以所部耆民兵兼  
屬之克寬渺視蕭顯不足敵猝發兵抵沙岸天未明竟進蕭顯多  
智預於沙岸設伏俟湯兵半至伏起湯兵大驚前後不相顧潰亂  
而敗死者千餘人克寬收兵還環大悔之自率耆民兵與賊相持  
耆民心素歸環樂於效死凡賊舉動機智環皆覘知而預備之蕭  
顯懼甚欲走而不可得太倉州雖濱海久無兵燹四月初九日有  
賊船十五隻突至劉家河兵備制使其相備忘也注擒御勇等  
八人斬首八級賊遁去於是人始知其相備忘也注擒御勇等  
克廉駐節蘇城聞警報亟至州戒戎備十三日賊首蕭顯等二百  
餘人又突至城下焚劫自南門至西門民舍官倉俱爲煨燼發官  
軍出城皆望敵而走莫敢戰廉躬自登城命軍士以火器飛礮擊  
殺三十餘賊賊乃去廉見賊勢洶湧恐受圍孤城不克有濟欲如  
蘇郡官屬皆畱之荅曰我非州守也各郡安危皆我之責若匏繫  
於此孰與撫巡會議興兵乎遂行時有蔡時宜陳可願者善談兵  
通政司參議張寔托檢校袁本立薦於廉廉與語悅之置諸記室  
然二人實無奇識惟主堅守之議耳士民疑爲奸細謂鄞人素通  
番二人皆鄞人也而操院用之殆不可測適汪直之黨潛入城爲  
內應爲有司所執眾益疑二人爲賊黨二人懼從廉出城州人共  
毆之幾斃拘囚拷鞫坐獄三年然後白可願後歸鄞立功之志愈



銳捧監司檄充副使與蔣洲同使日本汪直之就擒實可願等游說之所致云先是克廉在太倉城中見賊勢猖獗不遑奉請不敢擅動官軍檄本府同知任環選各縣民兵三百應之環握符崑山家屬俱在郡城見檄卽行人皆危之或諷環回郡敘別環弗應惟以書戒其子曰我仗國威東行討賊賊眾我寡萬一不支臣死忠子死孝妻死節止要各成一箇是而已矣無我憂也環自慮不能生還周身書名以便尋尸見者無不感泣至太倉賊將圍城煙燄四起廉急召環入環曰兵存與存兵亡與亡將之道也兵在外而我自入城可乎入則俱入不然與我援兵我當自戰耳廉遂如蘇城而以珍寇屬環環雖敢任而選帶勇夫固嫻武藝且無援勢孤賊衝至皆不戰而走環鐵衣單騎帶月獨馳賊疑有伏不之犯頃之兵士尋之皆環集環謂之曰我頃明任募汝即義懷澳賊具無罪可遇難而遇者等不報之曰賊頃明任募汝即義懷澳賊具無罪奚必戀我而徒死乎人人拜泣而謝嘗有數十人跬步不離草棲露宿夜不解甲兵士愁苦不能寐環與談古今忠孝之事達旦不倦病瘡痍者則調護之慰藉之隨賊向往枵腹而坐分食而嘗濡雨而行徒跣而涉與士卒同茹甘苦遇曠野則教以挑持擊刺之法坐作距覆之方人人感奮時賊橫行莫之敢格日中常接任兵環懼失士而先登士懼失環而爭進賊深惡環欲殺之一日追急兵士跪而哀籲賊大呼曰我所欲殺者任環耳可速指任爲誰我則爾貸庖人徐珮應之曰卽我是也欲殺則殺賊遂殺珮而去環收珮屍瘞而奠之先是珮恐賊覓環以環所乘馬甲冑裝束行野戒左右呼爲任俞身當賊衝置環生路嘗因危迫與環同匿深溝中賊夜過之不知環嘗被流矢墮馬兵眾昇之而馳又遇賊水濱

掖環過橋斷橋木賊不能及因是賊知環德感人之深人皆樂於效死弗忍害且憚之每遇環輒大笑曰任拌命又來矣避而去之民有被擄逃歸者述賊疑環屢殺屢存殆天神非人也不可殺是月積勞疽發於背掀如盤水粒俱捐猶裏瘡履陣後乃臥太倉西門城堙郡中士民間而憂之生員陳恕等呈於各院檄而歸之

甲三十三天文二十三年四裔編年表寇中國晴信取信濃日本外

武田氏上杉氏二十一年諸將士兵欲推景虎為主景虎曰吾迫於上下之意與兄抗兵不料其自死而吾志遂削髮號曰謙信將赴高野山諸將士連署請其止治國謙信曰置君將用其令也不而任明日日出令收專命大臣十六人賜死於林泉寺諸將股栗五月二年二月假路諸國率兵二千經北陸入京師先詣關遂謁將軍義輝五月歸村上義清與高梨政賴須田親滿島津規久等自信濃來投請謁謙信言曰僕等為武田信玄所侵掠容身無地側聞公威名願賜一下手救援謙信曰諸君豈為人所侵掠而來耶我

清曰信玄用兵何如曰信玄行軍不貪程頓每戰要勝於後謙信曰彼要後勝意在拓地也吾則不然遇敵輒戰要不在其鋒耳於是下令國內以十月十二日治兵小田濱將八千騎入信濃放火武田氏屬城十一月朔進陣河島信玄聞之請援於今川氏將步騎二萬出兩宮渡使山本晴行等四人覘之反報曰北軍銳甚君宜厚集其陣不戰屈之信玄從之兩軍夾水而陣謙信挑戰信玄陣而何獨不與我決乎我於公非有怨仇特為義清輩敢問公何以奪被地公不欲與吾戰則還地於彼不欲還地則與吾戰信玄欲答曰公庇義清真為高義雖然晴信而未死公不能成志也公欲戰則自公始謙信曰諾乃決議約詰朝會戰即夜傳發以七隊合為圓陣平明度橋而進信玄勒十四隊迎戰自卯至未爭橋相逐勝敗不決謙信分兵渡上流出甲斐軍後甲斐軍願之退去橫田源助板垣三郎等及駿河七將皆死而越後兵亦多死傷引兵歸先是謙信數出兵越中而未得志是歲使招降能登國主島山義則以女兄妻之取其弟義春子養之稱彌五郎實質之也是時所管佐渡及莊內會津盜起遣兵擊平之二十三年五月信玄與小笠原長時戰於桔梗原勝而降之長時終出奔京師信玄以女為北條氏康婦為長子義信娶今川義元女於是二國相共翼武田氏以扞謙信而信濃客將樂嚴寺布下和田等陰通謙信謙信出兵清野縱火鼠子驛聞客將事覺被誅乃還八月謙信復以八千騎入信濃曰吾此行必與信玄親戰決雌雄耳進渡川陣既望信玄以二萬人出與之對固壘不出閒日謙信使村上義清等

考十五後奈良

夜伏兵而曉出采樵者近甲斐壘甲斐兵出追之陷伏皆死諸隊  
隨出乃大戰終日十七合迭有勝敗信玄潛下令張鉅犀川而渡  
伏旗幟徑蘆葦中直襲謙信麾下信玄與數十騎走有一騎  
美定行等以手兵橫擊破之擠之於河信玄與數十騎走有一騎  
黃襖騎馬以白布裹面拔大刀來呼曰信玄何在信玄躍馬亂河  
將逃騎亦亂河罵曰豎子在此乎舉刀擊之信玄不暇拔刀以所  
持麾扇扞之扇折又擊斫其肩甲斐從士欲救之水駛不可近隊  
將原大隅槍刺其騎不中舉槍打之中馬首馬驚跳入湍中信玄  
纔免武田信繁聞信玄危返之呼騎索戰死之是日兩軍死傷  
大當而信玄被創夜收兵退後獲越後捕虜言嚮騎乃謙信也  
乃移書讓之曰臣父氏網與先公結婚姻竭心翼戴莫有貳心以  
御弓氏之強武氏網密旨不日滅之遠近稱其勤勞而未幾何  
將見誅其子孫臣未知其說河越之役憲政促君之親臨也臣乃  
政臣又白曰苟宥城兵死則援君已聽之矣而又惑於讒臣翻援憲  
事如此其曲其直天將鑒之氏康不復能戴君矣二十三年十月  
將兵攻陷古河城執晴氏放之波多野已而釋之老於關宿立其  
子義氏居於鎌倉葛西谷

明史日本傳三十三年正月自太倉掠蘇州攻松江復趨江北薄

通泰四月格嘉善被崇朝復縛麻州人懷德系不能用采江東

改撫大同以李天寵代又命兵部尙書張經總督軍務乃大徵兵

四方協力進剿是時倭以川沙窪柘林爲巢抄掠四出

籌海圖編顯自上年入寇上海而去爲官兵追迫登據崇明之南

沙官兵圍守且半載賊屢敗值歲暮守者懈顯得遁至黃窪入攻

嘉定縣城又分掠南翔等鎮參將湯克寬擊敗之賊攻上海縣蕭

顯自嘉定循海而南攻圍上海甚急時城初築未固勢且陷官民

洶洶兵備僉事任環統民兵三百僧兵八十往援時賊船泊黃浦

者以百計而自吳淞江南行者不計焉環追襲之於五里橋賊敗

南奔環追敗之於書家墳賊始懼適浙江都御史王忬遣都指揮

盧鏜來擊賊乃解圍而南賊復據南沙參將解明道擊走之二月

蕭顯據史家濱爲巢盧鏜進擣大敗之賊死者無算乃遁往浙江